

皇明詔令

七







皇明詔令卷之十五

憲宗純皇帝上

宗廟

登極改元大赦詔

天順八年正月二十

天順八年二月

天承運

皇帝詔曰朕惟我

祖宗誕膺

天命肇開帝業爲生民主幾百年矣

聖聖相承志勤于治武功文德紹休前聞暨我



皇明言令卷之二十三  
皇考皇帝恢宏政治二紀于茲厚澤深仁有以衍  
皇明萬世無疆之祚不幸奄茲遐棄

遺命神器付于眇躬顧哀疚之方殷奚遽忍於繼承  
而親王文武羣臣及軍民耆老累表勸進誠  
切意堅朕只得仰遵

遺命俯徇輿情於正月二十二日祇告

天地

二日

宗廟

社稷卽皇帝位自惟涼薄勉懷永圖嘉與中外親賢  
率循至道惟敬是持惟誠是立惟仁義之行



惟古成憲是式庶臻于治康我兆民其以明年爲成化元年大赦天下與民更始所有合行事宜條示于後

一天順八年正月二十二日昧爽以前官吏軍民人等有犯除謀反大逆子孫謀殺祖父母父母妻妾殺夫奴婢殺主故謀殺人蠱毒魘魅毒藥殺人強盜不赦外其餘已發覺未發覺已結證未結證罪無大小咸赦除之敢有以赦前事相告者以其罪罪之

一自天順五年七月初二日以後文武官吏監



生軍民人等有爲事問發運灰運磚運炭納  
米納工擺站煎鹽炒鐵發充軍伴儀從膳夫  
等項悉還職役寧家文職官吏有贓者發回  
原籍爲民其犯贓罪見問未結免追違者罪  
之

一天順元年正月以後至天順八年正月二十  
二日以前軍官總小旗將軍力士校尉舍餘  
人等有爲事發各處充軍爲民立功哨瞭除  
失機謀逆黨類強盜人命外其餘各還職役  
文職官吏監生承差犯罪發各處充軍者放



回原籍爲民天順五年七月以後在京文職  
罪犯貪淫斷發降調及充軍爲民者悉送吏  
部選用

一內外法司囚犯見追贓物未完者悉免追賠  
有因人命未明強盜追無贓仗年久不得歸  
結者具實奏聞區處

一廣東廣西湖廣四川江西浙江福建雲南貴  
州等處賊寇生發多因官司採買物件守令  
不得其人以致饑寒迫身不得已而嘯聚爲  
盜情犯雖重詔書到日有能悔過自新者悉



宥其罪聽從復業本分生理所司加意優恤  
勿究前非戶下拖欠稅糧等項悉皆蠲免仍  
免雜泛差役三年

一天順六年十二月以前各處軍民人等拖欠  
稅糧子粒草束農桑人丁絹絲門攤商稅戶  
口食鹽米鈔諸色課程鹽課魚課差發金銀  
馬匹等項除已徵在官者仍送原定衙門交  
納中間有被水火盜賊所在官司告有堪信  
文憑到部者悉與除豁未徵之數俱各蠲免  
其成化元年稅糧以十分爲率俱免三分



一天順七年各處奏報水旱經過巡按官員踏勘明白具奏者悉與除免

一天順七年十二月終以前各處歲造織造紵絲紗羅曾經起解該庫驗退追賠者并節次原派浙江等布政司直隸蘇松等府織造改機紵絲紗羅等件及織染局節次坐派織造上用供用賞賜用紵絲紗羅綾絹等件已完者照數起解未完者織完解京已徵絲料者准作歲造之數未徵蠲免差去內官人等詔書到日即便回京違者罪之



一自天順七年十二月以前各處歲辦野味皮  
翎觔角課鐵生漆翠毛銅線鐵線槐花烏梅  
蒲草蓆草蘆柴松香榜紙書籍魚油翎鰓皮  
張折納銅鐵油漆黃白麻及派辦杉松榆槐  
木杉木板水竹長節苦竹軟篾箬葉棕毛白  
圓荖箒蓮包荊條葡萄馬連根雜草黃真牛  
皮水牛底皮山羊皮白甸驢皮白綿羊皮生  
漆鐵線土硝缸砑土紅土磁末麥穗稻皮毛  
纓銀硃青碌顏料黃白蜡金箔油椿木等項  
除成造軍器供應器皿漕運船料并預備賞



賜皮張羊毛外其餘已徵在官者仍令起解  
未徵者悉皆蠲免其已解梨木板不堪者所  
在官司收貯別用及拖欠納欠追捕賠償者  
各項物件盡行蠲免不許內外衙門朦朧奏  
請再行追徵敢有將已徵捏作未徵者治以  
重罪

一內外各衙門遞年坐派柴炭數多軍民採運  
艱難宜從撙節以十分爲率量減五分天順  
七年十二月以前拖欠未完者盡行蠲免其  
惜薪司擡柴夫存畱二千名其餘放免易州



等廠採運人夫量減三千名以蘇民困

一住坐軍民人匠先因在逃有墩鎖上工及充  
軍事例今後提解至日止照常例發落並免  
墩鎖充軍及見在應役者有年六十以上并  
未及六十而篤廢殘疾不堪工作者有司驗  
實放回輪班人匠自天順七年十二月終以  
前失班者悉皆寬免及有一戶應當住坐又  
關勘合輪班者免其輪班有原領勘合三二  
名以上者止令一名輪班其餘悉與宥免正  
統年間以後有挾讎妄報并一戶分作二三



戶輪班當匠有司曾經勘明者止當一匠餘皆除豁勘合繳部

一各處衛所年造軍器自天順七年十二月終以前拖欠未完者悉免追造其關過有司各衛所自備物料見數明白准作天順八年以後之數不許指此因而侵欺敢有故違者治以重罪

一南京內府各監局司庫成造一應物件及工部造成馬槽馬椿等項詔書到日悉皆停止以後缺用在京該衙門成造兩京成造光祿



寺器皿及餽養牲口槽鑊鍋桶磨盤等件自天順五年以前拖欠未完者盡行蠲免

一江西饒州府浙江處州府見差內官在彼燒造磁器詔書到日除已燒完者照數起解未完者悉皆停止差去官員即便回京違者罪之

一在京在外軍民騎操孳牧原養寄養馬匹種馬駒自天順八年正月二十二日以前一應倒死虧欠走失被盜等項悉皆蠲免

一南京馬快船隻到京公幹例該聽候半年外



其餘有裝運物料前來到京者許令總小甲將原領勘合批文赴京投收候有內外差使官員奏聞合用船隻數目該部方許依數差撥以遵舊制

一浙江福建江西陝西臨清鎮守內外官員詔書到日即便回京其各處邊鎮內臣正統年間原有者照舊鎮守原無者即便回京不許稽遲

一差去下番內外官員人等詔書到日即便回京原賚錢糧交與鎮守官收貯隨後差人送



來

一各處內外官員人等今後不許進貢馬匹鳥獸水陸品味及本處所產一應物件庶免擾人違者罪之

一差去各處採買物件頭畜及緝訪事情等項內外官員旗校人等詔書到日即便回京敢有遲延責罪不饒

一各邊官軍今後凡殺賊寇所獲馬匹頭畜財物器用等項聽自收用不必入官總兵等官不許侵收分用備禦軍士有陣亡病故所在



官司棺斂送還本處

一今後軍民詞訟除謀逆外其餘輕重情詞悉自下而上呈告如有驀越赴京者法司卽治以罪仍將所告情詞發回本處問理不許輒便擬奏差官去外提解攪擾軍民違者罪之一問刑衙門有抄提在官人口犯該反逆應連坐未給配安置者開奏定奪其有律不該載者悉放免原沒官房屋田產給還住種照舊納糧當差

一吏典記名放回原籍聽取中間有老疾寫字



粗拙不堪役用者聽所在官司正官從公揀選就發爲民當差堪用者聽後取用

一丁憂起復給由給假等項官吏人等除例限外有違限一月之上雖無文憑亦免問罪其官員有住原籍年老篤疾路遠不堪起送者聽合于上司具奏准令就彼冠帶照見行事例致仕閑住

一在京富戶及府軍前衛幼軍今後如有事故不必僉補各處原起民壯民快除有賊去處暫畱外其餘盡行放免歸農



一內外文武官員旗士人等有住支祿米俸糧者詔書到日照舊關支

一各處軍民饑荒關過賑濟倉糧悉免還官今後如有荒歉去處軍民缺食有司不必申請即便賑濟

一四夷進貢馬匹悉照舊例就於各邊衛分撥軍騎操不必解京

一醫生廚役樂工人等果有年老不堪應役無丁替者放爲民有司另行僉補其起取樂工係良人者仍發原籍從良當差



一各處清理起解逃故等項軍解有違限一年之上軍發邊衛解人發附近衛分充軍者及有因違限在逃等項事未發露者悉與宥免軍還原衛解人寧家當差

一逃軍逃囚逃匠人等詔書到日爲始限三箇月以裏赴所在官司首告與免本罪軍還原衛民放寧家匠仍當匠

一凡問囚犯今後一依大明律科斷照例運磚做工納米等項發落所有條例並宜革去及不許深文妄引叅語濫及無辜其有奉旨推



問者必須經由大理寺審錄毋得徑自叅奏  
致有枉人文職犯贓者原籍爲民枉法滿貫  
者照舊充軍軍職侵欺滿貫者不許管軍管  
事帶俸差操

一山東浙江福建廣東所屬沿海衛所並直隸  
金山等衛所備倭旗軍月糧減支六斗者詔  
書到日爲始每月加支米二斗候有糧之日  
全與關支

一天順元年有因姦黨充軍者放回原籍爲民  
其正犯典刑家屬充軍者亦皆放免房屋田



地入官者給還住種其因連累復職調衛者  
仍還原衛

一天下軍民遞年以來貧困已甚各處一應造  
作除修理城垣倉廩運河指實具奏定奪外  
其餘內外衙門並寺宇塔廟房屋牆垣等項  
造作一應不急之務悉皆停罷與民休息各  
衙門不許擅自移文興工在外軍衛有司非  
奉朝廷明文一毫不許擅科一夫不得擅役  
違者重罪不饒

一求才宜廣天下官員有才能出衆屈在下僚



者許六部都察院堂上官保舉民間經明行脩隱於山林者許府州縣正官薦舉俱聽吏部量材擢用

一學官有舉人署職九年考滿該陞年四十以下有願會試者聽

一各處帝王陵寢及名臣賢士墳墓有被人毀發者所在有司卽時修理如舊令附近人民一丁看護免其差役其餘墳墓但有露棺暴露者悉與掩埋

一凡民年七十以上者免一丁差役有司每歲



給與酒十瓶肉二斤八十以上加與綿二斤布二匹九十以上給與冠帶每歲設宴一次百歲以上者給與板木鰥寡孤獨者無所依倚有司量可存恤

一孝子順孫義夫節婦有司即便開具實跡奏聞旌表以勵風俗該部不許展轉叅駁

一給事中御史職當言路今後凡朝廷政事得失天下軍民利病許直言無隱若中間有官員貪暴奸邪者務要指陳實跡糾劾在外從巡按御史按察司糾劾



一以上諸條寬恤恩典詔書到日有司即便奉行如有延緩者以違制論許巡按御史按察司糾劾

於戲體元居正宜宏經世之規發政施仁用錫溥天之澤尚賴宗室親王文武賢臣協德一心恭勤乃事以弼予至治詔告中外咸使聞知

議尊諡勅

天順八年二月初一日

朕惟自古聖賢之君必有顯號徽稱用昭功德之隆垂之萬世而不泯焉此國家之盛典



也仰惟我

皇考大皇帝仁同天地明並日月孝通神明澤被天下篤人倫之大道振治世之宏綱盛德之事不一而足萬機之繁優於獨斷邁往聖之英武係四海之歸心不幸奄茲上賓顧予冲人繼承大統明徵禮文必薦稱號宜咨輿論務協至公庶昭我

皇考功德之盛於無窮爾禮部其集文武羣臣定議尊諡擇日恭上

冊寶體予至懷欽哉毋忽故諭



頒賞羣臣勅

天順八年二月初五日

朕以眇躬嗣承大寶已推仁恩覃及四海顧惟在京文武羣臣軍民人等昔奉

先帝多效勤勞宜加頒賜以隆恩典所有等第開示于後故茲勅諭咸使聞知

公侯駙馬伯銀三十兩

一品二品銀二十五兩

三品銀一十五兩

四品銀一十二兩

五品銀一十兩



六品銀八兩

七品銀六兩

侯伯亡歿其子孫未承襲者及無子孫承襲者有妻母存者每名銀五兩優養軍官母妻見存者每名銀二兩將軍旗軍勇士力士校尉養馬小廝軍匠馴象軍奴人等每名銀二兩操備及營造官員

一品二品銀二十五兩

三品四品銀一十五兩

五品銀一十兩



六品銀八兩

七品銀六兩

八品九品銀四兩

雜職銀三兩

操備旗軍每名銀二兩

優給幼官及孤寡老疾官軍

一品二品銀八兩

三品銀五兩

四品銀四兩

五品銀三兩



六品銀二兩

七品八品九品銀二兩

雜職銀一兩

紀錄幼軍每名銀一兩

會試中式舉人辦事官監生及天文生及  
樂舞生順天府學生員每名絹一匹在外  
聽選并公差等項文武官員

一品二品鈔一百錠

三品四品鈔八十錠

五品鈔七十錠



六品七品鈔六十錠

八品九品鈔五十錠

雜職鈔四十錠

生員吏典每名鈔二十錠

上尊諡詔

天順八年二月十五日

皇帝詔曰朕惟自古英君義辟咸有美諡垂世以來  
若二帝三王以及後世之賢主莫不皆然乃  
國家之茂典不易之令猷也恭惟

皇考大行皇帝

英武之資



剛健之德嗣守

祖宗之鴻業躬勤政務於萬幾

至孝通于神明

洪恩被于黎庶嚴百神之祀享重賢士之登庸志  
協羣情智周萬慮誕布文命慎簡兵戎立經  
國之遠圖興治古之盛事

華夏蠻貊罔不歸心四海九州臻于熙皞不幸奄  
棄臣民哀慟曷已允惟

祖宗之托深思荷負之艱矧繼述之方殷顧追崇之  
敢後謹命在



廷文武羣臣稽古禮文議薦

謚號叅之衆論合于至公乃於二月十二日祇告

天地

宗廟

社稷奉

冊寶恭上

皇考大行皇帝尊謚

法天立道仁明誠敬昭文憲武至德廣孝睿皇帝

廟號

英宗



嗚呼

聖德允合於乾坤

神功光垂於宇宙豈名言之可罄尙不顯於無窮布  
告遐邇咸使聞知

諭禮部營建裕陵勅

天順八年二月十

七日

勅禮部茲卜天壽山之右營建

皇考英宗法天立道仁明誠敬昭文憲武至德廣孝

睿皇帝

山陵祇薦陵號曰



裕陵如勅奉行

上尊號詔

天順八年三月初二日

奉

天承運

皇帝詔曰朕惟大孝尊親著于典禮是以自古聖帝  
明王之有天下靡不以尊親爲重而亦未嘗  
不致隆於所生傳序在予祇脩敢後仰惟  
母后以坤德之懿配我

皇考昭宣化源而嬰疾有年燕禱弗兆于時贊理宮

闡相承



宗祀與所以延續

天休而隆邦本者寔我

母妃之功之德是賴內治雍睦

皇考監焉予一人躬承

兩宮訓育至于有成嗣統之初敢忘圖報夫欲兼隆

於至養固宜各極於尊稱是用率籲衆心叅

稽古諄謹上冊寶尊

母后皇后曰

慈懿皇太后尊

母妃皇貴妃曰



皇太后至親大義庶幾兩盡無違然孝既盡於尊親  
仁當推以逮下所有恤典合行條示于後

一親王郡王生子請名不拘歲數當封者悉遵  
皇明祖訓稽年及十歲卽請冊封親王有長孫授以  
世孫給一品冠服郡王長孫授以長孫給二  
品冠服

一兩京文武官七品以上未關誥勅者若父母  
見在先與誥勅封之不爲常例

一文武官員曾授署職者詔書到日卽與實授  
一天順元年七月以後及天順八年正月止軍



官爲事降調不係叛逆黨類冒報功次失機人命俱令復職回衛不願回者俱令管事差操文職有因權奸排陷見在家爲民者及因緝訪問賊爲民見在京伸訴者俱與冠帶閑住

一在京在衛帶俸官員有願出外衛者許赴自陳註與相應地方衛所管事差操

一將軍侍衛二十年以上者不拘在役退閑俱與冠帶以榮其身

一文武官員以禮致仕五品以上者進階一級



若有廉貧不能自存衆所共知者每歲給與米五石以資養贍

一文武官員有因公幹在途病故者所在官司卽與殯殮遞送回家若任所病故家小還鄉者官司依律應付脚力送回違者罪之

一兩京文職年近七十願告致仕者聽堂上官有離家年久欲照例給暇回家省親祭祖者許令省祭

一吏部聽選官員取選不到有願告回家者不拘年歲俱令冠帶致仕閑住



一天順五年七月以後至天順八年止吏典犯罪問發重歷者悉免重歷逃者詔書到日自首免罪

一兩京監生積滯數多今後各衙門歷事考過勤謹再歷三箇月送部聽選其有願教職雜職者聽若不能出仕願告回家者許與冠帶閑住其放回四十以上監生有志科舉許就本處鄉試

一民以農爲本有司時加勸督所在坡塘宜用修築以備旱澇至於耕牛所賴尤重不許軍



民宰殺買賣如有犯者枷號半年依律問罪  
若有司縱容一體治罪不饒

一自天順元年以來抄沒入官田地許令所在  
官司耕種照例起科

一各處小民衣食不給流移他鄉者詔書到日  
各本土有司務要加意撫恤無牛具種子房  
屋者卽與設法措辦俾遂生業仍免糧草一  
年雜泛差役三年違者究問

一上林苑監養牲人戶自天順七年十二月以  
前拖欠一應倒死牲口悉皆蠲免



一各邊軍士比之腹裏勞苦尤甚爲鎮守總兵等官不肯撫恤反行尅害有財者佔納月錢有力者役使耕種其不佔役者不免重差軍士受害如此豈有銳氣今後務要改過自新不許仍前佔役敢有違者許巡按官指實奏聞治罪

一各處都布按三司有因公務差遣官舍承差吏典下衛所府州縣幹辦因而索取財物擾害軍民今後若非重務止許行移所屬辦理不許差人其衛所府州縣官吏非因上司差



委不許下鄉擾民違者罪之

一軍民之家有五世同居不分異者有司勘實  
奏聞旌異以勵風俗有因貧乏婚姻過期詔  
書到日有司量給禮物定與期限成之

一各處僧人年二十以上無度牒者詔書到日  
即便還俗若有隱瞞年歲不肯還俗者并其  
本師問罪不饒

一各處有刁潑之徒起滅詞訟誣害良善挾制  
官府者許府州縣指實姓名申達巡按并按  
察司知會遇有犯者就發本處枷號半年治



以重罪

一府州縣有廉能公正撫字勤勞深得民心者  
上司以禮相待仍具其政績奏聞以憑旌擢  
若有老疾罷軟不能任事者從巡撫官考察  
就彼放回冠帶致仕貪暴不才拏問如律

一今後御史公差回還照舊管事不必考覆清  
軍者三年一替聽本院奏差

一雲南貴州廣西湖廣四川官襲職者該行委  
三司體勘其委官多有徇私圖利取勘不公  
以致互相爭襲累年紛擾今後有告襲者委



官務要從公取勘定名會奏該部行令就彼襲職不必叅駁中間有徇私不公罪坐原勘官員

一在京在外有遊手好閑不務生業者所在有司即便記其姓名省令各務生業如不改者重加懲治其有孤老殘疾不能生業收於養濟院照例給與衣糧毋令叫街乞食違者罪之

一朝廷憫念小民凡事減省今後不許差人出外買辦採辦物件有司不許仍前指以均徭



公用爲由科歛銀兩及因小故罰取財物因而尅落入己其司府州縣官員亦不許額外多僉阜隸侵漁小民但有違者許巡撫巡按官體訪叅奏治以重罪

一各處衛所軍士月糧多被該管官員通同有司納戶作弊虛出通關致令倉廩空虛及有糧在倉假公用爲名扣除尅減以致軍士不得全支養贍今後不許仍前作弊扣減者許巡撫巡按及按察司官叅奏拏問治以重罪

一在外軍民之家有爲盜賊曾經問斷不改者



有司卽大書盜賊之家四字於其門能改過者許里老親隣人等保管方與除之

一朝廷政治得失天下軍民利病許諸人直言無隱

嗚呼養以天下永惟

二聖之尊福被後人茂衍萬年之慶布告中外咸使

聞知

太后諭選

皇后令

天順八年三月初

七日

皇帝奉



先帝之命婚期在邇必得賢淑爲配然後足以表正  
六宮母儀天下上奉

宗廟之祀下隆國家之本先時已嘗採擇尙慮有所  
遺忽爾禮部其榜諭京城內外大小官員民  
庶有德之家務擇其父母賢善有家法女子  
年十五至十八容貌莊潔性質純美言動安  
詳咸中禮度者令其父母送來將親閱焉欽  
哉故諭

尊諡議勅

天順八年三月十六日

朕惟帝王之誠必先於盡孝國家之典莫大



於尊親恭惟母后寬恩柔順配地承

天表正六宮

母儀四海

母妃皇貴妃靜莊淑慎贊輔茂修鞠育眇躬備隆

恩德顧茲繼統之初宜舉正名之禮而况

尊尊親親義所當厚者也今謹上

母后尊號曰

慈懿皇太后

母妃尊號曰

皇太后惟寶冊儀章爾禮部詳定以聞欽哉故諭



皇明宣宗  
卷之二十五

二十七

遇變脩省勅

天順八年五月十二日

朕以菲德嗣承大統雖在疚中而敬

天恤民之心未嘗敢忽然自卽位以來天災屢見近  
於是月初五日風雹大作飄瓦拔木此乃

上天垂戒之意朕心深懼焉意者德有未脩而政有  
未舉歟心有未誠而澤有未至歟抑爾羣臣  
怠慢不謹行事有乖上無以輔君德下無以  
惠生民歟自今各宜恐懼修省恪恭乃事庶  
足以回

天意特茲告戒尙其無忽故諭



冊吳后詔

天順八年十月二十四日

奉

天承運

皇帝詔曰婚姻正始人道所重朕大婚之期

先帝有成命矣遽言卽吉誠所未安茲者親王廷臣

累辭以請而

聖母慈懿皇太后

皇太后慈訓加切咸以繼承之重爲言義既有在朕

敢故違謹昭告

天地



宗廟以天順八年七月二十一日冊立吳氏爲皇后  
正位中宮以共承宗祀奉養

慈闈庶惇彝倫用化成於天下敷告中外咸使聞知

立帥府勅

天順八年七月二十八日

勅鎮守廣東副總兵都督同知歐信巡撫右僉都御  
史葉盛及巡按御史都司布政司按察司今  
得給事中孫敬言先該總兵等官歐信葉盛  
等奏要於兩廣中路梧州立爲帥府掛印征  
蠻將軍總兵官鎮守兩廣居中節制東西各  
處副總兵左右叅將分守地方悉聽帥府調



度欲便舉行且言於梧州蓋立都察院理事  
協和總兵提督一應軍務巡撫兩廣地方該  
兵部會官議得所言固爲有理但未經兩廣  
官員會同勘議來勅至爾等卽便查照事理  
作急公同會議可否若依所言可以弭盜安  
民經久利便毋狃於因循而憚更改如果不  
能弭賊無益於民非經久利便之策毋或苟  
徇人情虛爲應答爾等其體朝廷至意務要  
從長計處亭當各另具由明白回奏不許自  
分彼此偏私執拗互相推調猶豫不決以致



悞事故勅

吳后廢詔

天順八年九月初六日

朕惟皇后所以共承

宗祀表正六宮母儀天下非德性淳淑禮度閑習者  
不足以當之朕勉遵

先帝之命冊立皇后不意太監牛玉偏徇己私朦朧  
將

先帝在時選退吳氏於

母后前奏請立爲皇后朕觀舉動輕浮禮度粗率略  
無敬謹之意詩云靡不有初鮮克有終初尙



不謹何以克終如此而欲望其共承

宗祀表正六宮母儀天下難矣今不得已請命于

母后昭告

天地

宗廟廢黜吳氏退居別宮閑住嗚呼朕負之重處禮  
之變冊立中宮爲風化之源不幸所遇如此  
豈得已哉敷告羣臣悉予至意故諭

免牛玉死罪旨

天順八年

牛玉論罪本當處決但念他在

先帝時曾効微勞與吳喜都饒死押發南京孝陵種



萊吳俊吳雄也都饒死發山東登州衛充軍  
家小隨住

冊立王皇后詔

天順八年十月十五日

皇帝詔曰帝王爲治莫先於正家之道必自大婚始  
惟

先帝臨御之日常爲朕簡求賢淑已定王氏育于別

天

宮以待期矣逮至期憑几顧命猶以婚期責

天

成有司朕于時執禮彌甚未敢遽從矧敢與

天

知其事不意內臣牛玉偏徇已私朦朧奏請

皇太后將已退吳氏復選冊立禮成之後朕觀吳氏



德不稱位因察其實始知非預定者夫既遵  
先帝之命以成禮而乃違命立非其人何以表宮闈  
而相祭祀興言及此內疚于心用是不得已  
請命

母后明正牛玉之罪廢黜吳氏不敢以歲月緩自念  
與其非人寧虛厥位而在廷文武羣臣再三  
陳請中宮不可久虛義正詞切朕難固拒今  
勉強從所請仍遵

先帝成命冊立王氏爲皇后嗚呼自古人倫有常有  
變變而得正何憚弗爲茲朕是舉匪獨正家



抑恐上負

先帝選授之命於心有不安焉誕告多方使明知朕意

諭都督姜銘勅

天順八年十一月十九日

奉

天承運

皇帝勅諭廣東都司都指揮僉事姜銘今爾代都督

僉事張通總督備倭操練軍馬撫安人民提督修理沿海城池整飭兵備器械戰船遇有倭寇相機勦殺凡有海道一應軍務賊情悉與彼處巡視海道副使陳謙計議處置不許



偏執悞事事體重者具奏處置爾爲武臣簡授備倭之寄尤宜夙夜盡心持廉秉公以律下人必使軍民得所海道無慮庶稱任使如或貪財圖利尅害軍民致生嗟怨妨廢操守罪不輕恕其所領官軍悉聽節制故勅

免京官過犯勅

天順八年十二月二十

五日

勅禮部三法司茲者新正在邇萬物咸亨在京見任文武羣臣除贓罪外自天順八年十二月二十五日以前所犯罪名紀錄在官者悉與湔



除俾圖自新故勅

捕防流賊勅

成化元年二月十八日

勅巡按江西監察御史陳選都司都指揮同知王貴  
布政司左布政使翁世資按察司按察使林  
鶚等今得爾等奏報廣東流賊越過贛州府  
龍南縣攻破縣治燒毀房屋驚散人民并會  
議調用官軍區畫糧餉等項具悉勅至爾等  
公同計議如前賊倘彼處流劫未退就便着  
令原委都指揮僉事樂昇分巡右叅政楊文  
琳副使呂昌統領前項官軍民快人等會合



備禦贛州等處都指揮僉事馮廣所領官軍  
相機設策併力勦捕倘或賊勢衆大兵力不  
及卽於衛所縣添調官軍及募集民快前去  
策應軍前合行事宜悉聽各該領軍三司官  
員從宜處置合用糧餉亦聽布政司分巡官  
從宜措辦供給務令嚴飭兵備弗以前賊暫  
退輒便散回必候賊徒遠遁地方寧靜方許  
將調去官軍民快人等放回一面星馳奏聞  
且贛州府龍南縣信豐縣南安府大庾上游  
并吉安府龍泉永寧諸縣俱廣東湖廣接境



距流賊出沒地方不滿百里爾等猶須預計  
禦寇保民之策或令前項委官分軍防護或  
另委的當官員各量賊勢緩急起集軍民操  
守捍禦隨機應變要在得宜務俾賊寇不敢  
侵犯人民安生樂業庶見爾等之能如或因  
循怠慢互相推調名爲發兵勦捕實無殺賊  
方略致使民受荼毒地方不寧則罪有所歸  
決不輕貸爾等其懼之勉之故勅

諭江西各官捕盜勅

成化元年二月十



朝廷設立三司專爲撫軍安民禁治盜賊猶恐政有不舉又差御史輪替巡察俾各盡職我祖宗原創制立法周密如此若人人盡職何患地方不寧近者四川兩廣賊寇猖獗人民受害已數年矣推其所由盖因官不得人之故今給事中御史劾奏三處三司等官多係貪酷不才有以激變於前及賊寇生發却又因循推調不能禁治于後朕以此等悞事官員若依祖宗法度當時永樂正統年間山東福建草寇生發事例重罪處治但朕卽位紀元之初不欲遽



以嚴刑加人姑且從輕發落以見任者依律  
住俸降做爲事官令其戴罪殺賊改任者依  
律住俸三年累年巡按御史亦各住俸以示  
懲戒慮恐爾等不知警懼特降曉示今後各  
宜洗心滌慮務盡乃職管軍者必須撫恤訓  
練使皆可用管民者必須愛養綏輯使不失  
業居風憲者尤當扶善抑惡除奸革弊使軍  
民各得其所倘奸頑之輩不守法度嘯聚爲  
非者爾等即便同心協力量用軍快早爲撲  
滅不許因循隱蔽養成大患爾等若不警省



致有疎虞祖宗之法具在必不輕宥爾等勉之慎之故勅

諭廣東各官勦捕流賊勅

成化元年四

月初七日

朝廷設立三司專爲撫安軍民禁治賊盜猶恐政有不舉又差御史輪替巡按俾各盡職我祖宗創制立法周密如此若人人盡職何患地方不寧邇者爾處賊寇猖獗人民受害已數年矣推其所由蓋因官不得人之故給事中御史劾奏爾等多係貪酷不才有以激變於前及



賊寇生發却又因循推調不能禁治於後朕以爾等悞事如此若依

祖宗法度當如永樂正統間山東福建草寇生發事例將爾等重罪處治但朕卽位紀元之初不欲遽以嚴刑加人姑且從輕發落止將爾等住俸降作爲事官令其戴罪管事殺賊累年巡按御史亦各住俸以示懲戒爾等當洗心滌慮感激盡職務寧地方以贖前罪若仍怠慢推調坐視民患不早殄滅賊寇則祖宗之法具在必不輕宥爾等勉之慎之故勅



諭湖廣總兵勦賊勅

成化元年三月初

七日

朝廷命總兵官各處鎮守兼禦盜安民而已  
若爲總兵者能振作軍威控制一方則賊寇  
自然屏息何患地方不寧且四川兩廣賊寇  
猖獗連年不息蓋因官不得人之故今給事  
中御史劾奏彼三司等官罪故並劾奏總兵  
官無勇無謀失機悞事已將見任者住俸降  
做爲事官戴罪殺賊改任者亦住俸三年以  
示懲戒爾當以此爲鑑申嚴號令訓練官軍



遇有賊寇生發就便運謀奮勇卽時撲滅毋致滋蔓貽患地方爾受

朝廷重寄當以一方安危爲己任倘有疎虞罪不輕宥爾其勉之慎之故諭

諭湖廣各官協勦賊寇勅

成化元年四

月初三日

朝廷設立三司專爲撫安軍民禁治盜賊猶恐政有不舉又差御史輪替巡察俾各盡職我

祖宗創制立法周密如此若人人盡職何地方不寧近者四川兩廣賊寇猖獗人民受害已數年矣推



其所由蓋因官不得人之故今給事中御史  
劾奏三處三司等官多係貪酷不才有以激  
變於前及賊寇生發却乃因循推調不能禁  
治於後朕以此等悞事官員若依

祖宗法度當如永樂正統年間山東福建草寇生發  
事例重罪處治但朕卽位紀元之初不欲遽  
以嚴刑加人姑從輕發落已將見任者住俸  
降做爲事官戴罪殺賊改任者亦住俸三年  
累年巡按御史亦各住俸以示懲戒慮恐爾  
等不知警懼特降勅曉示今後各宜洗心滌



慮務盡乃職管軍者必須撫恤訓練使皆可  
用管民者必須愛養綏輯使不失業居風憲  
者尤當扶善抑惡除奸革弊使軍民各得其  
所倘有奸頑之輩不守法度嘯聚爲非者爾  
等即便同心協力量調官軍民快早爲撲滅  
不許因循隱蔽養成大患爾等若不警省致  
有疎虞

祖宗之法具在必不輕宥爾等勉之慎之故勅

恤刑勅

成化元年五月初十日

朕惟刑法乃輔治之具治天下莫要於此然



持法固在於嚴而用刑尤貴乎當持法嚴則人不敢犯用法當則人自無冤自古帝王未有不慎此而能治天下者肆朕卽位以來恆盡心焉惟恐用法不當致人冤枉有傷天地之和爾等職任法司豈可不體朕心而有所輕重於其間哉且如犯人趙春等妖言事發爾等自當原情定罪以合至公今乃略不究心旣有一千人犯問依傳用妖言却將首犯坐以謀事同律異情輕重不倫朕詳閱之不能無疑及令再問方將首犯坐以妖言之罪



如此於律始合且當其情卽此一事觀之爾等平日用法可見已往者不究今後爾等務要精白乃心慎用刑法凡大小罪囚俱要情真罪當毋高下其手毋彼此其心毋迎合以要譽毋顧忌以自全毋偏執己見以爲正論毋順私情以乖公道夫然後可以弼教輔治克副朕慎刑之意不然惟爾弗任爾等其欽哉故諭

天戒修省勅

成化元年五月十六日

朕以眇躬嗣承



祖宗鴻業代

天理物負荷惟難茲者

玄象示警朕甚懼焉永思厥咎罔知攸措用是減膳  
節用齋心于便殿將親露禱于

昊天上帝引咎責躬修明庶政爾在廷文武羣臣皆  
佐朕以行政者也上下一體休戚惟均其自  
今日始致齋三日同加脩省務各秉乃誠各  
恭乃職勵精治理毋事因循爲德爲民必臻  
實效凡諸衙門有曾經具奏買辦採辦物料  
于民間者悉皆停止其有營造亦暫停免過



夏候秋涼興工以便吾民於戲朕爲

天之子爾羣臣與朕分治天職克謹

天戒理所當然自今有可以匡輔不逮者尙無有隱

爾等其欽承朕命毋忽故諭

承天門告成寬恤詔

成化元年十一月

二十七日

奉

天承運

皇帝詔曰自古天子闕廷門必有五所以表都會而

聳觀瞻也肆我



祖宗建都必精其制乃者天順元年七月初六日承

天門災

先帝用是深自警惕已加恩於海內矣然於制在所  
必葺而遲久不欲遽者存

天戒也朕嗣承大統今已踰年繼志述事罔敢怠遑  
顧茲存戒之已久重惟古制之宜備特命所  
司興工營造以今十一月二十七日告成夫  
門以承天爲名必緩刑以體好生之仁修政  
以戒從欲之志庶幾克享

天心永昌國祚所有寬恤事宜條示于後



一 成化元年十一月二十七日昧爽以前官吏  
軍民人等有犯十惡強盜人命不宥外其餘  
已發覺未發覺已結證未結證罪無大小咸  
赦除之敢有以赦前事相告言者以其罪罪  
之

一 成化元年十一月二十七日昧爽以前文武  
官吏軍民人等爲事運磚運米運炭做工等  
項未完擺站煎鹽炒鐵充軍伴當儀從斗級  
膳夫拘役立功守哨年限未滿詔書到日悉  
宥其罪名還職役文職官吏有犯貪淫罪者



不拘已未發正俱發原籍爲民其官吏軍民人等有因奸黨等項問發邊遠爲民者悉放還原籍當差

一逃軍逃囚逃匠人等并將軍力士校尉有在逃者詔書到日限一月以裏赴所在官司首告免本罪

一內外法司凡有伸訴冤枉中間事情明白可辯者卽與從公查勘分理事難定奪者明白奏聞區處

一天順八年三月初二日以前爲事降調充



軍立功等項軍官遇例復職回衛中間  
有原係管事者俱令照舊管事今後軍  
職有犯枉法等項例該降者免降俱發  
邊方立功五年滿日復職仍還原衛帶  
俸差操

一見監強盜人命有贓證未發身屍無存  
拘於成案難以發落行勘未結者有司  
奏請定奪

一成化元年各處奏報水旱災傷曾經巡撫  
巡按官員踏勘明白具奏者卽與除豁其



各竈戶糧草折納引鹽曾告災傷并拖欠黑土課米等項及成化元年以前消化鹽貨行勘是實者悉皆蠲免

一各處軍民解納糧草農桑人丁絲絹門攤商稅戶口食鹽米鈔并諸色課程除已到外有納欠年久追賠未完者自成化元年十一月己前悉皆寬免其成化二年稅糧以十分爲率俱免三分

一各處起解糧鈔等項中途有遇水火盜賊曾經所在官司告勘顯跡明白申達到部者悉



免追賠敢有乘機通同作弊侵欺入己事發到官治以重罪不宥

一兩廣四川湖廣賊盜生發去處軍民爲因飢寒所迫流移他處不得已相聚爲盜詔書到日許令改過自新免其本罪所司不許違擾聽其復業免其戶下稅糧差役二年官司善加撫恤

一兩廣地方盜情未息今後除授官員除方面府縣外其餘大小職事不拘鄉貫就將本處人員除授地方稍寧仍照舊例施



行

一各司府州縣被災去處原派買辦採辦石大青銅青砂碌及皮張毛纓等項除已徵者照舊起解未徵者悉皆蠲免

一各處軍衛有司該造軍器弓箭弦條魚翎等項自成化元年十一月二十七日以前拖欠未完者暫且停止候成化二年秋收之後照例起解其有關過有司并各衛所自辦物件者照舊成造不許侵欺違者罪之



一自成化元年十一月二十七日以前各處歲造織造紵絲紗羅等件曾經起解到庫驗退追賠其成化元年減去農桑稅絲三分者該造段匹照依減去絲料減免三分待成化二年照舊織解

一南北直隸河南等處係災傷地方凡倒死走失被盜等項一應該追孳牧騎操馬匹所司曾經具

奏者俱停候次年收成追補還官今後各處孳生種馬三年收用一駒永爲定例其



各處原養馬贓罰等項該追倒死走失  
被盜虧欠騾馬牛羊及屯種牛隻自成  
化元年十一月二十七日以前盡行免  
追

於戲君以敬

天勤民爲大覃恩宜徧於遐邇臣以輔君行政  
爲先舉職務勤於夙夜必上下盡交修  
之道斯海宇臻至治之隆布告多方咸  
使知悉

紙劄勅

成化二年七月二十日



勅江西巡按御史并布政司按察司今因內府缺  
欠紙劄應用欲照舊差人前去監造但念  
彼處連年水旱災傷田禾不收米價湧貴  
人民艱難以此特命爾巡按御史督同布  
按二司各委堂上廉幹官員專以提調合  
屬委官將工部坐去未抄各色紙數照依  
原降式樣於無災州縣上戶之家措辦物  
料中戶之家量起夫匠如法抄造務在精  
製完好每半年一次差的當官員將見完  
紙劄管解赴部交割其造抄人夫須要加



意撫恤斟酌勞逸時其飲食不許逼迫殘害  
生事科擾務從便設法措辦毋致下人嗟怨  
造辦數足即將人夫疎放如不依式樣及不  
精製怠慢遲悞治罪不饒

免京官罪犯勅

成化三年十二月二十

五日

勅禮部三法司茲者新正在邇萬物咸亨在京見任  
文武羣臣除贓罪外自成化三年十二月二  
十五日以前所犯罪名紀錄在官者悉與湔  
除俾圖自新故勅



太后遺詔

成化四年六月二十六日

慈懿皇太后遺詔內外羣臣

予以菲德獲配

英宗皇帝奉承

宗廟輯寧邦家多歷年所不幸

裕陵上賓予惇嫠鮮祐賴

今皇帝荷

天之休光嗣丕圖海宇奠安予與

皇太后同受天下至養又四五載慈孝雍和亦旣兩

壽茲予壽命有期永終天年復侍



先帝左右於素願蓋無歉焉永惟

祖宗創業垂統弘大崇重

皇帝宜以萬機爲意不得過於哀戚成服三日後聽  
政中外文武羣臣協志効勤助臻化理以永  
無疆大歷服喪制悉遵

先太后遺制以日易月二十七日而除君臣皆同無  
廢宗社百神常祀母禁中外臣民音樂嫁娶  
宗室諸王藩維攸繫不必赴京送葬但遣人  
進香在外大小文武衙門並免進香特茲告  
諭其遵行勿或有違乖予夙志



祔廟議勅

成化四年七月初二日

卿等昨者會議

大行慈懿皇太后合祔

陵廟固朕素志但

聖母疑事有相妨未卽俞允朕心中不自安再陳所

請

聖慈開諭特賜允諾卿等其如前議施行勿有所疑  
故諭

尊諡議勅

成化四年七月初四日

朕惟有其實者宜享其名其實尊崇則其名



光大此隆古以來至於我

大明莫不由斯道也惟茂

皇妣大行慈懿皇太后當我  
皇考英宗睿皇帝臨御時天作之合曰嬪于京孝敬

仁順以奉

宗廟以嗣徽音以儀于宮闈以御于家邦繼予冲眇

夙受

慈訓是賴既尊崇爲天下

母方期永膺天下至養俾予並侍

兩宮聖母以廣至孝豈非榮慶而



昊穹降割仙御弗畱哀曷如焉永惟

皇妣尊崇之實著于存時允若茲矣今爲光大之名  
當有諡號以鏤冊瑑寶告于

郊廟敷于寰海垂于萬億世爾禮部與羣臣會議來  
聞欽哉故諭

尊諡詔

成化四年七月二十二日

皇帝詔曰朕稽古聖君政隆孝道固謹於其始尤嚴  
於其終是以薦徽稱垂永世實今所當遵用  
惟我

皇妣大行慈懿皇太后配我



皇考英宗睿皇帝正位坤宮殆將二紀逮于紹休

聖緒尊奉

母儀並膺至養亦閱五載

懿範仁恩自家行國宜壽萬年而遽升遐思

罄送往之誠惟崇媲美之號是用博采

廷議於七月十九日祇告

天地

宗廟

社稷恭上

尊諡曰

皇明

卷之二十五

四十五



孝莊獻穆弘惠顯仁恭天欽聖睿皇后

於戲

陵廟祔于

先皇允符天地高厚之配

聲名溢于四海施及日月照臨之區播告遐邇咸

宜知悉

省躬勅

成化四年九月十九日

朕嗣丕圖惟

天地眷佑是賴然弗克正于心修于身近無以輯于

家邦遠無以寧于海宇將奚以格于



高厚神祇乃今年八月癸巳京都震九月朔以來彗

見北斗朕自齋精滌慮以改過自新祇告

天地非徒言之固將躬行之爾文武羣臣輔

朕猷爲受朕委托分職布任於中外者尙各警其怠

忽因循之習革其欺公徇私之弊堅其忠藎

不移之操固其廉慎不汚之節豈惟爾之無

玷

天將鑑之以不致罰朕將資之以撫世御宇不負所

使朕之兵民將由之以不失其所邊圉強固

而閭里殷富三光全于上九域安于下豈非



君臣同德之效與爾文武羣臣其圖利之故  
諭

星芒垂象修省詔

成化四年九月二十

六日

奉

天承運

皇帝詔曰朕嗣無疆大歷服夙夜是祗靡敢荒怠然  
德弗加隆政弗臻治荷

天心仁愛屢出災異以示儆焉迺九月朔以來星芒  
垂象逼台掃斗威譴尤切朕慄焉脩省永惟



斯人

天之赤子爰加惠澤期與更新庶幾仰當

上天眷命付朕以億兆之意所有合行事宜條示于

后

一成化四年九月二十六日昧爽以前官吏軍

民人等有犯除子孫謀殺祖父母父母妻妾

殺夫奴婢殺主毒藥殺人蠱毒魘魅強盜人

命不宥外其餘已發覺未發覺已結證未結

證罪無大小咸赦除之敢有以赦前事相告

者以其罪罪之



一文武官員知印承差監生生員軍民人等有  
爲事見發運磚運石運灰納馬追罰馬匹做  
工擺站煎鹽炒鐵充軍伴儀從膳夫等項悉  
宥其罪各還職役寧家隨住其軍職例該帶  
俸差操者照原擬發落文職官吏人等有犯  
貪淫者悉發原籍爲民

一軍官旗軍將軍力士校尉舍餘爲事發遣各  
處立功哨瞭者盡行放免還職役例該帶俸  
差操者不許管軍管事有因失機問發充軍  
者各照原職降二級就彼帶俸差操其已降



調及冒功人命者不在此例

一各處逃軍逃囚逃匠人等自詔書到日爲始限三箇月以裏赴所在官司首告以免本罪軍還原伍匠仍當匠民放寧家

一各處納欠稅糧絹布綿花等件爲因已徵在官之數雖累遇寬恤仍復追徵者自天順五年十二月以前悉皆免追其係小民拖欠未徵者自天順七年十二月以前亦皆宥免

一在京在外衛所官員拖欠屯種子粒例該住俸者照舊支俸今歲奏報水旱災傷去處如



果踏勘是實卽與除豁稅糧子粒其上年拖欠者亦暫停止候下年有收仍徵補納其無災傷去處上年稅糧未完官吏里糧人等例該枷號住俸問罪者詔書到日亦皆寬免再限一年完納

一災傷去處成化四年人民戶口食鹽鈔米除已徵外未徵係全災者俱免輕者以十分爲率減免五分其廣東廣西陝西四川強盜生發州縣亦免一年各處船料鈔貫舊額者徵收但係新增者俱免除



一湖廣江西上年災傷去處人民缺食巡撫巡按等督所司取勘賑濟如本處缺糧卽於隣近有糧去處借撥豐年抵斗完官隣近州縣俱各缺乏無可措置者卽奏區處不許坐視一各處採辦歲辦藥材除已收在官起解外拖欠之數悉皆停免凡災傷去處自成化四年八月以前內外衙門節次派出一應竹木青碌漆蜡羊角等料并派買牲口俱暫停止其餘物料若已收在官者差人解納未徵者俱各停免以甦民困各處歲造織造紵絲綾羅



紬絹曾經起解該庫驗退追賠者悉免追賠  
一在京各營在外邊營騎操馬匹自成化四年  
九月二十六日以前一應倒失被盜等項未  
買補者暫且停追其陝西苑馬等衙門所養  
馬匹有被虜寇搶掠者所司查勘明白亦皆  
免追各處被傷去處軍民寄養馬驢并駒自  
成化四年九月二十六日以前倒失被盜虧欠  
等項不能賠償者所司查勘明白悉與宥免  
一聽選官九年考滿例該陞用有年力衰邁不  
能任事照依該陞品級給與散官致仕聽選



監生有老疾願回者與冠帶閑住雲南土吏  
兩考役滿今後免起送赴部就於本布政司  
給由照例調撥仍將考滿調撥緣由轉送吏  
部知會

一 郕府旗校尉人等先調山東沿海衛分者悉  
還原衛分差用及口外大同等處旗軍先因  
連累調發兩廣者正身病故其子俱於原衛  
補伍天順八年正月十七日以後官軍爲事  
除調兩廣等處不曾到衛者許所在官司首  
告送兵部改調北方沿邊衛所差操



一醫士廚役樂工有年老殘疾不堪應役無丁  
更替者悉放寧家爲民有司照名僉補樂工  
從良所司不許刁蹬畱難

一各處見今清理逃故人匠等項除收成去處  
清解外其災傷地方曾經勘實者不分住坐  
輪班俱暫停止待下年收成照舊起解應役  
一陝西固原等處土達滿四等反叛蓋因官司  
不能撫恤所致雖已調軍征勦情實可怜詔  
書到日除滿四等首惡不赦外其餘果能悔  
過自新悉宥其罪有能糾衆擒斬賊首來獻



者量授以職兩廣川貴大軍征勦之後有畏遁山林奔潛海澳者亦皆宥免聽從復業生理仍免賦役三年

於戲爾中外文武之臣既撫治于人尙仰畏于天受職任事惟義是循理兵牧民惟仁是篤惟朕憂是分惟玄鑑是祐故茲詔示咸使聞知

護送夷使應付勅

成化五年三月二十

日

勅四川都司布政司今遣正使灌頂大國帥結列領都劄巴中納副使都綱綽吉堅叅朶而只巴



并刺麻官著星士星吉中柰何等共二十九員各原差來使臣領占巴藏卜楚芹堅剉等賁捧誥勅賞賜段匹等件往烏思藏等處公幹勅至爾等即便入番脚力完備都司選差的當人員同禮部差去官護送至天全六番招討司并黎州安撫司交割回還聽彼轉送前去爾等尤須酌量應付但在穀用毋致悞事不許托此因而多科及縱容下人生事擾害軍民以取罪愆故勅

行都司勅

成化五年五月二十三日



勅總兵官右都督芮城巡撫右都御史汪浩等令命  
太監梅忠鎮守四川并行都司地方有事須  
同心協慮從長計議而行毋得偏執有悞邊  
務特諭爾等知之故勅

免京官罪犯勅

成化五年十二月二十

四日

勅禮部三法司茲者新正在邇萬物咸亨在京見任  
文武除贓罪外自成化五年十二月二十四  
日以前所犯罪名紀錄在官者悉與湔除俾  
圖自新故勅



省躬勅

成化六年二月二十二日

朕紹膺景命六載于茲夙夜靡寧圖惟治理而自冬徂春災異荐臻雨雪不降朕慮民生弗遂憂切于懷永惟災咎之徵必由人事感召豈朕德有不脩而政多缺歟抑爾羣臣分理庶政者因循怠緩弗克竭誠盡公以輔朕之不逮歟循省所自宜各任其責致交修之誠朕將親率爾文武羣臣於二月二十八日恭詣

山川壇請禱先期致齋三日其各洗心滌慮



秉敬誠以格

神明致公勤以修職業務臻實效毋致虛文六部三  
法司任政刑重寄宜公同計議凡政事未當  
刑罰失中可更張者并有惠利可興舉冤抑  
可伸理者悉條具以聞毋言有所隱將舉而  
行之庶幾此誠心實致仰答

天心致休徵之應以福生民爾等欽承朕命毋忽故  
諭

節制進貢夷勅

成化六年五月初二日

勅四川鎮守三法司等官近年各番朝貢人數過多



中間多有詐冒不實不安禮法在途生事攪  
擾軍民今後烏思藏地方止許照依舊例三  
年一次來貢其贊善聞教闡化輔教各王名  
下每三年各許差一百人或一百五十人俱  
從四川舊路入貢其國師闡師人等不許各  
另差人長河西董卜韓胡每年每處止許五  
十六十人或一百人來貢松茂州本處住坐  
番僧每歲止許三十人或五十六十人來朝  
若附近烏思藏地方一面照烏思藏例每三  
年許三二十人來朝勅至爾等除成化六年



已起送赴京外以後若遇烏思藏三年進貢之期務要先行各邊守關官員將番僧人等停畱在官星馳申報三司各委的當官員一員親詣本處督同守關官員嚴加審問果有番王印信番字文書是實方與辯驗每起量送五七人多不過十五人前來餘皆就彼省諭回還聽候賞賜務照新定舊額不許過多所進方物辯驗明白盡數差人送至都司轉差的當人員伴送赴京其長河西董卜韓胡等處每次朝貢人數方物就令各該守關官



員辯驗申送三司會同審實每處量爲起送  
人數該存畱者存畱如有審出詐冒之人卽  
將經該官吏提問發落今特降勅差通事賚  
捧前來至日卽令督都司差委的當官舍同  
賚至入番邊境土官衙門轉令選差慣曉烏  
思藏路徑之人賚與贊善等王令遵依勅旨  
而行爾等其欽承毋忽故勅

護送夷使應付勅

成化六年六月初五

日

勅四川都司布政司今差正使右覺義綽吉堅叅都



剛劄巴中柰副使都綱着丹領占朶而只巴  
并刺麻官著星吉土中柰等二十八員各同  
原差來使臣領占卜藏楚芹堅剌等賁捧誥  
勅賞賜段匹等件往烏思藏等處公幹勅至  
爾等即便入番脚力完備都司選差的當人  
員同禮部差去護送官至天全六番招討司  
并黎州安撫司交割回還聽彼轉送前去爾  
等尤須酌量應付但在勾用毋致悞事不許  
託此因而多科及縱容下人生事擾害軍民  
以取罪愆其已故正使灌頂大國師結列領



占就令所司於彼處光相寺照依僧俗體例  
安葬爾等其如勅奉行故勅

寬恤詔

成化六年八月初一日

皇帝詔曰朕以眇躬君臨海宇惟

上天付畀之重

祖宗創守之難常懷惕勵罔敢怠遑豫冀民物阜康  
協于至治而志勤道遠厥效未彰比者災沴  
荐臻京畿尤甚三時不雨一雨連旬旱澇相  
仍民食缺乏循思厥咎在于一人百姓何辜  
罹茲艱厄興言及此良用惻然夫篤近舉遠



者古之規視遠猶近者

朕之志爰惟憂勤之念普施寬恤之仁所有  
合行事宜條列于後

一內外衙門見監問罪囚除真犯死罪不宥外  
其餘徒罪以上降等發落杖罪以下悉加寬  
免已有發做工運磚運灰納米等項未完者  
悉皆宥免內有貪淫官吏監生知印承差贓  
証明白發回原籍爲民

一成化六年順天等八府并各處奏報災傷曾  
經官司踏勘明白者悉與除豁稅糧子粒馬



草其薄收者照依分數減免

一各處軍民有先年拖欠稅糧馬草子粒戶口食鹽鈔課并派辦買廚料果品等物順天等八府自成化五年十二月以前俱免追徵南北直隸並各布政司自成化四年十二月以前悉皆蠲免

一在京各營在外各邊騎操孳牧寄養馬匹並順天府南北直隸河南山東被災去處軍民孳牧寄養馬驢並駒自成化六年八月初一日以前倒死走失虧欠等項並有例停候買



補所司勘明悉皆蠲免其上林苑監蕃育良  
牧等署今年有因水患虧損牲口具奏悉免  
追賠

一南北直隸山東河南等處布政司被災府州  
縣有拖欠內外衙門坐派採買松木長柴椶  
木楊木榆槐雜木椽子密柴葛楷蘆葦蒲草  
荊條糖麩麥穗稻皮土硝磁末墨煤麻觔牛  
觔金箔銀硃貳硃白綿羊毛白硝羊皮紅真  
黃牛皮白甸驢皮前截藍靛紅黃熟銅生漆  
青油片三枝條西碌礪砂石大等青燒造鐔



瓶紅土青土薰皮草採辦翎毛野味白山羊  
角黑鉛紅花黃蜡青生銅苗竹水牛底皮等  
件料自成化四年十二月以前盡行停免已  
徵在官者仍令起解不許因而侵剋

一各處起解糧草等項中途有遇水火盜賊曾  
經所在官司告勘明白申達到部者悉免追  
賠敢有作弊侵欺入己者事發治以重罪

一順天等八府山東河南等處被災軍民有承  
佃住種各王府各公主府及內外官員之家  
田地庄園拖欠租米自成化五年十二月以



前并今年見有災傷無收去處悉皆免追  
一成化六年分各處食鹽糧鈔盡數蠲免有已  
徵在官者准作下年之數以後只徵鈔貫不  
許折收銀米等件

一成化六年七月初六日以前各處失班人匠  
并免罰工止當正班及內外衙門阜隸馬夫  
見在逃曠役者並免補役不許一槩勾擾  
一長蘆鹽運司被災傷場分今年該徵鹽課卽  
與驗實除豁

一北直隸河南山東清軍御史俱暫取回被災



去處清出軍丁明年秋成起解無災去處仍  
令司府州縣委官清解不許扶同作弊違者  
罪之

一天順五年以前軍官有爲事調發兩廣等處  
不曾到衛者文職有爲事問革爲民累訴冤  
枉者限十日以裏赴通政司首告軍官改調  
北邊衛分差操文職無贓者令冠帶原籍閒  
住俱不許潛住京師違者聽四隣舉首押發  
邊衛地面充軍容畱之家一體坐罪  
一各處人民但有災傷缺食者有司設法賑濟



流移者招撫復業務體朝廷仁恤之心不許坐視民患

一各處預備倉糧本以賑濟飢民近該有司通同下人作弊多端民皆受害今後務要驗實放支抵斗收受不許過取合干上司宜用心提督毋事虛文

一荆襄南陽等處流民拋棄鄉土良可憐憫詔書到日凡一應罪犯悉宥不問該管官司用心撫諭願回原籍者照例優恤已住成家不願回者聽令附籍當差



一凡民間利有當興弊有當革及一應便民之事許所司具實奏聞毋有所隱

於戲朕體

上天好生之德用嘉惠於吾民爾中外大小臣僚尙體朕恤民之心務求臻于實效故茲詔示咸使聞知



皇明詔令卷之十六

憲宗純皇帝下

茶課勅

成化七年五月十七日

勅巡視民瘼南京戶部右侍郎黃深并巡按監察御史都司布政司按察司以茶易馬係洪武永樂正統宣德年間已行事例後因邊方多事暫且停止近該陝西巡撫等官奏稱彼處缺馬數多乞要舉行前例勅至爾等即便會鎮守太監梅忠從公計議將保寧等府歲辦茶課照依元年原定則例該茶八十四萬三千



六十斤設法陸續起解各司委官一員督令  
各該所屬委官起倩軍夫管運至四川陝西  
接界官司收納務要足備仍須處置亭當不  
許因而騷擾下人爾其欽承毋怠故勅

却羣臣表請立東宮勅

成化七年七月

二十一日

皇帝勅諭文武羣臣覽表具悉君國建儲理所當然  
朕豈不亮卿等至情第以儲副國本所係欲  
俟年齡既長俾進學成德然後正名爲當今  
之所請未可允從



允請立東宮令禮部具儀勅

成化七年

七月二十二日

皇帝勅諭文武羣臣覽表具悉卿等再三以建儲爲  
言詞明理正援引切當忠愛至矣欽承

皇太后聖訓亦謂茲事重大宜從衆望不可固拒今  
特允所請其令禮部具儀擇日以聞

蠲脩舉預備四倉勅

成化七年八月十五

洪武年間每州縣各設預備四倉所以廣儲  
畜備旱澇著在令典民咸賴之比年所司因



循廢弛視爲虛文是以一遇饑荒民無仰給  
今特命爾等修舉預備之政勅至爾布政司  
按察司掌印官卽督同各府州縣正官將原  
設四倉查勘有無見在糧數若干多寡除見  
有外應該添糧若干先儘各處在官贓罰等  
項錢糧支給收納及令囚犯照例納米贖罪  
如有不敷或於存畱糧內借撥或於各里上  
中戶稅糧內米正糧一碩另勸米麥共五升  
或有可行從宜區處如里分用糧數多原設  
倉廩不穀收貯亦須量爲添益遇饑荒照例



賑給秋成之日抵斗還官如連年豐稔倉糧  
亦須易新勿令腐爛其看倉大戶老人於附  
近里分僉點殷實有行止之人充當不許濫  
設敢有不行用心看管有通同官吏插和糠  
粃沙土實收虛放侵欺作弊使小民不受實  
惠者爾等就行拿問治以重罪其軍衛屯所  
原設有預備倉爾都布二司掌印官一體督  
同衛所正官并屯田官員照例整理爾三司  
并府州縣衛所該管官員務要遞相督率十  
分用心從長區畫三年之內務臻實効不許



仍前怠慢虛應故事如違許巡按御史通行  
糾舉應拿問者就便拿問應奏請者叅奏究  
治爾等每遇歲終將收過倉糧數目從實奏  
報毋或稽遲故勅

立皇太子詔

成化七年十一月十六日

奉

天承運

皇帝詔曰自古帝王君臨海宇必崇建元良以爲儲

副此久安長治之道也惟我

祖宗列聖允迪大猷承傳有序邦本既固鴻業斯隆



暨朕嗣守丕圖于茲八載彝章未舉蓋有待  
焉長子祐極天資明粹日表英奇中和之性  
夙成內外之心是屬比者公侯駙馬伯文武  
羣臣合誠奉表請建東宮恭承

皇太后聖訓茲事重大宜從衆議爰以令辰舉行彝  
典授祐極以冊寶立爲皇太子正位東宮用  
篤邦家之祐衍

宗社無疆之休大禮旣成輿情交慶宜敷霈澤覃被  
萬方所有合行事宜條示于後

一自成化七年十一月十六日以前官吏軍民



人等有犯除謀反大逆謀叛子孫殺祖父母  
父母妻妾殺夫奴婢殺主蠱毒魘魅毒藥殺  
人強盜人命妖言不赦外其餘已發覺未發  
覺已結正未結正罪無大小咸赦除之敢有  
以赦前事相告言者以其罪罪之

一文武官吏監生知印承差生員軍民人等有  
爲事見發運磚運炭運灰納米及追罰馬正  
做工擺站煎鹽炒鐵充軍伴儀從膳夫等項  
悉宥其罪各還職役寧家隨住軍職例該帶  
俸差操者照原擬發落文職官吏人等有貪



淫者悉發原籍爲民

一軍官旗軍將軍力士校尉舍人餘丁有爲事發遣各處立功哨瞭者盡行放免復還職役例該帶俸差操者不許管軍管事

一各處拖欠未徵稅糧馬草子粒農桑絹布并戶口食鹽鈔錠商稅河泊門攤課鈔差發銀兩自成化五年十二月以前盡行蠲免今歲奏報災傷去處曾經勘實者糧草子粒悉與除豁

一直隸通州左等衛採運荻青草束軍士逃故



數多無人撥補名下拖欠草束者自成化六年以前盡行蠲免今歲京衛軍士該採草束者被災無從採打曾經奏告到部者減免三分

一各處鹽場有因雨水損壞倉廩消化鹽鈔曾經風憲官踏勘明白者盡行蠲免其成化六年有因災傷無力煎辦曾經奏報勘實者該辦鹽課以十分爲率減免三分

一成化六年以前各處歲造紵絲紗羅綾紬曾經起解該庫驗退加倍追賠已織完者照數



起解未完者止追正數餘悉蠲免其被災去處遞年拖欠歲辦皮張魚油翎鰓折納麻鐵暫且停止

一各年逃軍逃匠逃囚人等自詔書到日爲始限三箇月以裏赴所在官司首告與免其罪軍還原伍匠仍當匠民放寧家其各處解軍之人有因問發違限充軍者放回寧家後不爲例

一自成化七年十一月十六日以前內外文武官員總小旗有停罷俸糧者詔書到日爲始



照舊關支北直隸連年災傷儒學黜退生員  
見追廩米悉皆宥免

一荆襄等處流民除已發遣回原籍者有司加  
意撫恤優免糧差五年其間或有逃匿山林  
拒捕不出者詔書到日許令出首令還原籍  
一體存恤優免

一陝西延綏地方連年被盜賊驚擾人民艱難  
今歲該徵糧草暫行寬免見在隨住官員每  
人賞銀二兩以酬其勞

一光祿寺廚役年老殘疾者告官審驗是實放



回寧家有司照缺僉補上林苑監原僉養牲  
種菜人戶其有老疾不堪應役戶內無丁頂  
補者許該監官驗實具奏放回原籍隨住  
一各處官軍騎操馬疋自成化七年十一月十  
六日以前一應倒死已報在官者悉皆蠲免  
虧欠馬駒四疋折買一疋其先次查出漏報  
不買者不在此例  
一各王府官員九年考滿照例給與該得誥命  
其方面知府在邊効勞不得赴部給由九年  
考滿一體授與該得誥命



一各處倉官及收糧經歷守候二年之上放支不盡者仍聽全支本等俸給

一今後三考滿吏典從吏部陸續考試不必會官仍照三等例行聽選監生不願出仕者與從七品散官閑住

一軍民中有鰥寡孤獨者所司依例存恤母令失所

一軍民有男婦年八十以上者詔書到日所司仍給絹一疋綿一斤米一石

一天下軍民利病許諸人直言無隱



一前項寬恤事宜務在遵行不許違慢

一一應管軍管民官員俱要守法奉公撫恤下  
人非奉朝廷明文不許纖毫科擾違者罪之  
於戲元良正位綿大統於萬年曠蕩推恩均至  
仁於四海詔諭遐邇咸使聞知

彗星見修省勅

成化七年十二月初七

朕以涼德祇紹鴻圖敬

天勤民罔敢或怠所冀臻于治理用召嘉祥乃者彗  
見天東光芒西指仰觀玄象祇懼實深俯自



省修罔知厥咎豈朕涉道尙淺燭理未明而  
刑政之不善與抑用人有未當而賢否混淆  
與聽言有不察而是非乖舛與將用度奢侈  
賞賜無節妄費府庫之財與營繕頻繁徵科  
無藝致傷軍民之心與有一于此悉朕之過  
方圖齊沐告

天改過修德以消變異而爾文武羣臣皆居官食祿  
以輔朕者何不痛自脩省與其有背公徇私  
怠廢政事宜速改勵以脩庶政以匡朕之不  
逮凡時政得失生民利病有可張弛興革者



爾文武大臣并科道公同會議停當條舉以  
聞務在切實可行庶幾君臣上下同心協德  
盡交脩之道則人心悅而

天意回矣勉之懼之故諭

京畿山東等處災傷寬恤詔

成化九年

四月十七日

皇帝詔曰朕紹

祖宗鴻業爲天下生民主夙夜憂勤用圖康濟柰近  
年以來旱澇相繼歲數不登加以今春亢旱  
爲甚京畿州縣被傷者多山東濟南等府六



府河南彰德一府災傷尤甚人民缺食十常八九守臣以告朕心惻然夫民生不遂實司牧之過如又坐視其飢窘窮困而不顧豈爲民父母之道哉用是發倉儲出帑藏弘敷寬恤之仁永慰黎庶之望凡爾居官食祿爲朕牧民者務加意賑恤毋生事煩擾仍諭居民隣里相救有無相通共濟難厄以候秋成有積者毋閉糴自私乖救急之義窮乏者毋流移轉展放縱非爲以重害爾生於戲憂民之憂朕心良切故茲詔示咸使聞知計開所有



寬恤事宜條示于後

一被災傷之處成化九年夏稅小麥絲綿絹疋  
戶口鹽鈔山東六府并順德廣平彰德三府  
盡行蠲免順天河間真定大名四府免五分  
保定一府免二分所屬州縣中間災有輕重  
宜從巡按官酌量施行其秋糧馬草並衛所  
屯種子粒待秋成具實奏報處置

一前項司府遞年逃民拖欠稅糧等項及見在  
人民賠納者自成化六年十二月以前俱免  
追徵



一山東長蘆鹽運司被災去處今年該徵鹽課  
山東減五分長蘆減三分

一前項司府衛所被災去處一應寄養孳牧騎  
操馬騾驢牛自成化九年四月以前倒死虧  
欠被盜等項已報在官例該追賠並原次停  
止折買未完者盡行蠲免如已徵價直在官  
不在此例其走失被盜馬匹日後得獲照舊  
還官

一前件災傷去處清出各衛所逃故等項軍士  
除原逃正身起解外其查理查補暫且停止



候豐年起解

一真定大名府二府成化九年派買猪羊鷄隻價銀未起解者盡行蠲免

一山東成化九年歲辦段疋皮張翎鰓悉皆蠲免

一成化九年砍柴人夫山東順天保定真定三府先已通減三分其餘除起解外山東夏秋二季未起人夫悉皆停免順天保定真定三府二季內量減二分工部神木廠苫蓋木植人夫以十分爲率存畱四分看守其餘放免



以甦民困

一前項被災去處官吏軍民有爲事曾經法司問斷回還原籍官司追賠錢糧贓物紙鈔未完者俱免追納錢糧馬草等項人戶有被攬頭坑陷或遇水火盜賊事有顯跡已告在官又拘家屬名下重徵賠納者卽與分豁

一前項被災地方逃軍逃匠逃囚人等自詔書到日限一箇月以裏首官免罪各還寧家其有爲事被提逃叛山林者許於所在官司首告真犯死罪該管官司查審明白奏聞定奪



其餘宥免

一累撥京庫銀兩并各處倉糧賑濟缺食軍民  
巡撫務要着司府州縣分投驗實放散不許  
遲悞凡一應在官工役不急之務俱暫停止  
毋或勞擾

恤刑勅

成化九年九月十七日

皇帝勅諭刑部都察院大理寺朕惟古者刑以弼教  
罰以止罰非欲設此以戕人之生我朝斟酌  
古今製爲刑律至精至密永爲令典近者法  
司多不遵守聽訟之際鹵莽滅裂推鞠不明



或擬罪之間觀望逢迎比附不當或因賄賂而妄有出入或因喜怒而恣爲重輕或羅織以陷人於寃或鍛鍊以置人於死視法度爲等閑以人命爲草芥致使人心嗟怨陰陽愆和自今法司大小官員各宜痛加警脩遵舜典欽恤之言體周書敬慎之意於情之可矜可疑者各與辯析於人之有寃有抑者必與伸理務使處斷得中人心允愜庶副朕付託之重不然以深刻爲功以苛暴爲能刑罰枉濫無辜受害則國有法罪將焉追爾等其戒



之慎之故諭

鎮守太監勅

成化十年六月十二日

皇帝勅諭都知太監藍忠今命爾鎮守河南地方撫  
安軍民禁防盜賊提督各該衛所官員用心  
操練軍馬整飭器械修理城池遇有盜賊生  
發量調官軍相機勦捕毋令滋蔓其軍衛有  
司非奉朝廷明文一夫不許擅差一毫不許  
擅取違者具實奏聞凡事須與彼處巡撫巡  
按及三司官從長計議亭當而行不許偏執  
悞事爾爲朝廷內臣尤須持廉秉公安靜行



事以身率人使盜息民安地方寧謐庶副委託如違責有所歸爾其欽奉母恩故諭

立皇太子詔

成化十一年十一月初八

日

皇帝詔曰帝王誕膺景命必建儲闈所以重

宗社之承正邦家之本此古今通制也朕纘承丕緒

祇懷永圖旰食宵衣不遑自逸允惟乚邕之

主實繫臣民之心庸舉盛儀以慰羣望

皇太子祐樞聰明天賦睿智夙成孝本因心禮皆中度朕遠稽古昔近法



祖宗覽羣臣請建之章奉

祖母從衆之訓遂授開寶立祐檣爲太子正位東宮  
衍寶祚於萬年隆本支於百世弘施慶澤覃  
被寰區所有合行事宜條示于後

一自成化十一年十一月初八日昧爽以前官  
吏軍民人等有犯除謀反大逆謀叛子孫謀  
殺祖父母父母妻妾殺夫奴婢殺主蠱毒魘  
魅毒藥殺人強盜人命及文職官有犯贓罪  
不赦外其餘已發覺未發覺已結正未結正  
罪無大小咸赦除之敢有以赦前事相告言



者以其罪罪之

一文武官吏監生知印承差生員軍民人等有  
爲事發運磚運灰運炭納米拘役枷號罰馬  
做工擺站煎鹽炒鐵充軍伴膳夫斗級等項  
悉皆宥其罪各還職役寧家軍職例該帶俸  
者照原擬發落文職官吏人等有犯貪淫者  
悉發原籍爲民

一各處織造紵絲紗羅綾紬等項除額辦歲造  
并工部奏派之數照舊解運外其餘蘇杭嘉  
湖并應天府等處差人坐守織造者悉皆停



免己織完者照數起解未完者并己徵物料  
交與所在官司准作織造內支用差去內外  
人員即便回京違者罪之

一自天順八年正月以後官吏監生承差人等  
爲事充軍例該止終本身及問發口外爲民  
者所司查勘明白放回原衛原籍爲民隨住  
一在外鎮守守備內外等官近年假以進貢爲  
名僉取民間阜隸出辦銀兩貽害地方今後  
不許額外進貢沿途擾害軍民皂隸革罷  
一各處軍解領批違限一年之上例該充軍者



悉宥其罪照舊起解再違者仍發充軍

一近年軍民舍餘人等有例許於陝西山西河南等處納粟與做軍職就住彼處衛所支俸一石果有經隔原籍路遠者聽其告改附近衛所以足邊儲

一兩廣雲南貴州福建去處武職子孫有因人文不帶俸者悉照原擬發落文職官吏人等有犯貪淫發原籍爲民

一軍官旗軍將軍力士校尉舍人有爲事遣各處立功哨瞭盡行放免復還職役照例帶俸



不許管軍管事

一各處逃軍逃匠逃囚人等詔書到日限三箇月以裏赴所在官司首告與免本罪軍還原伍匠仍當匠民放寧家輪班人匠有罰工者免罰工止當正班在京各營遠年及近逃官軍許令出首免問送營收操

一在京各營在外各邊各處軍衛有司原養寄養騎操孳牧走遞馬驢并種馬自成化十年十二月以前一應倒失虧欠之數盡行蠲免一河南山東陝西等處流民多有逃往湖廣荆



襄等處深山藏住詔書到日悉聽各回原籍  
沿途官司量給口糧所司務加存恤優免糧  
差三年公私債負不許追取湖廣貴州等處  
苗蠻多因所司失於撫字及因貧窮所迫不  
得已相聚爲盜詔書到日許令改過自新各  
還本土安生樂業若不改悔仍前聚集爲非  
聽總兵等官征勦

一內外文武官員總小旗有停罷俸糧者詔書  
到日照舊關支今後各處倉官及收糧經歷  
守候二年之上放支不盡仍聽全支本等俸



給

一各處該納稅納馬草子粒農桑人丁戶口食  
鹽門攤商稅魚課棗株諸色課程鈔貫除已  
徵在官外其小民拖欠未徵者自成化九年  
十二月以前悉免今歲奏報災傷去處卽行  
勘實糧草子粒悉與除豁各鹽運司提舉司  
自成化八年以前該辦鹽課拖欠未完者亦  
與除豁其被淹沒鹽場曾經風憲官勘實者  
俱免追賠山東并順天等八府軍民先因飢  
荒關過賑濟倉糧悉免追賠



一內外法司凡有累訴冤枉中間事情可辯者  
所司悉與從公辯理其強盜人命有贓仗欠  
明情可矜疑者奏聞區處

一文武官吏監生人等自成化元年正月以後  
有爲事問發充軍及編發爲民者除黨逆強  
盜搶奪人命失機誣告十人以上貪淫酷暴  
不宥外其餘悉放寧家隨住有奉特旨差遣  
者所司具奏定奪

一兩廣等處軍民田土先年被賊蹂踐占種及  
各處水衝沙壓不堪耕種田土曾經官司踏



勘明白遞年拖欠稅糧并逃民拋荒田土遺  
下糧草累及見在人戶賠納不全者自成化  
十年以前悉與除豁通州左等衛軍士採運  
并京衛該採荻青草束今歲被水淹沒採打  
不敷曾經奏告到部以十分爲率減免三分  
各處倉場先年有司失火延燒糧草等項經  
該官攢斗庫人等已經問發追賠未完者悉  
免追賠若故燒者不在此例

一給由考滿該陞及冠帶未任聽選官員有家  
貧親老疾病等項愿告致仕者授以應該陞



除職名以榮終身監生有不願出仕者授以  
正八品有司職名俱令冠帶閑住原籍官司  
以禮相待免其雜泛差役吏典遇例告愿納  
草納米未會上納例該重歷者免其重歷已  
發重歷悉還衙門辦事其南京各衙門三考  
役滿者免其赴京宜從南京吏部照例考試  
中試就彼冠帶辦事不中者徑發爲民

一各處義官義民已經給與散官冠帶榮身立  
石旌異等項近該在外間刑衙門不論所犯  
輕重俱革冠帶追奪有辜旌勸之意今後除



重罪外其餘徒流以下不問已結正未結正止許各依所犯科罪不在除名追奪之限

一易州等處山場自成化十一年十一月以前一應坐派柴炭除見有領運外若廠無收積徵價買辦果原領價少賠補不敷及分派在廠採燒年久拖欠不曾徵有官價者所司通勘明白卽與分豁有被人包攬誑騙跟捉不獲曾經具奏者仍令原解賠納該部另項收貯其成化十二年內外各衙門坐派柴炭以十分爲率減二分照數減徵腳價以蘇民困



在京各衛拖欠柴炭自成化八年十二月以前盡行蠲免

一成化十年十二月以前各處軍衛有司歲造軍器弓箭弦條歲辦皮翎野味及內外衙門買辦採辦葛稽荆條蒲草蘆蓆穰苗馬連根等項拖欠未完者悉與寬免已徵物料在官者准作下年該收之數其起解麻鐵竹木堆垛樁草遭風漂流被火燒毀曾經奏告查勘是實者免其追賠

一凡民年八十以上者免一丁差役有司每歲



給與綿二斤布二疋九十以上者給與冠帶  
鰥寡孤獨無所倚者有司量加存恤

一公侯駙馬伯子孫務要讀書習禮各訪通經  
儒士一人送吏部考試取中准令教書三年  
滿日照例授職事仍舊教書

一天下軍民利病許諸人直言無隱

於戲正元良之位式副輿情惟曠蕩之恩用敷  
博愛詔告天下咸使聞知

議復景陵尊號勅

成化十一年十二月

十三日



曩者朕

叔郕王踐祚戡難保邦奠安

宗社亦既有年及寢疾臨薨之際奸臣貪功生事妄興讒構請去帝號

先帝尋知誣枉深懷悔恨以次抵奸于法不幸上賓未及舉正朕嗣大業于茲一紀每思先儒有言祖父母有欲爲之志而未爲子孫善繼志而成就之此所謂孝間以帝號之復質請

聖母皇太后亦云此

先帝本意宜卽舉行祇服



慈訓敦念親親誕告在廷用成

先志其

卹王可仍舊皇帝之號所有

尊諡禮部會議以聞務合人心毋乖典禮仍令所  
司脩飭陵寢如勅奉行故諭

景陵尊諡書

成化十一年十二月二十

四日

皇帝奉書

叔祖周王茲者體

皇考之素心採廷臣之公議今月二十四日上



提督典牧之官用心撫禁但近年山東河南  
荒歉又恐饑民潛來趁食嘯聚爭奪勢所必  
有雖有三省撫巡等官平時會議往返動經  
月餘若一旦有事何以克濟守土等官合詞  
來聞特陞爾前職仍與勛陽府住劄專一往  
來前項地方巡察奸貪撫安人民整飭兵備  
區畫糧儲提督各該司府撫治流民官員修  
理城池禁防賊盜作興學校清理刑獄使編  
籍居民各安生業仍時常省諭軍民人等不  
許收藏應禁之書及捏造妖言冒干刑憲罪



及身家事有應與分守太監韋貴會議者須  
公同計議而行不許偏執悞事倘遇草寇生  
發即便公同韋貴量調所部官軍民快上緊  
撲滅毋或坐視致賊滋蔓地方其有應與各  
該鎮守巡撫等官會議者須從公議行凡所  
司府軍衛有司官員人等有犯應拿問者究  
治如律應奏聞者奏聞區處爾受茲重託尤  
須持廉秉公正己率下務使軍民得所地方  
寧靜斯爲爾能不許輕率處事乖方致民嗟  
怨有壞地方罪有所歸爾其勉之慎之故諭



取木料勅

成化十六年二月初一日

勅內官監左小監高通今因蓋造城樓等項缺少木料特命爾往湖廣荊州等直隸太平府蕪湖縣二抽分廠會同該巡按三司等官并工部原委官員將見在廠并以後新抽一應木植板枋聽從爾并差去工部郎中項文泰公同查盤見數揀選堪中者委的當官員設法起解立限赴京內除蕪湖縣止將見抽堪中起運其餘缺少彎曲并松木二丈以下不堪大小就便賣銀來京其荊州所抽若是堪中數



少團圓不及就將選退各色竹木并二丈以下松木變賣銀兩及查在官錢物着令三司委官同堂上官員兩平收買如有不敷於武昌府稅課司借抽一季湊數起運合用裝載船隻并水手等項爾等須公同各該巡撫等官設法奏置或將變賣銀兩量爲津助不許有司指以僉點殷實人戶爲名一槩勞擾有失人心其龍江瓦屑埧蕪湖二處抽分木植板枋着落南京守備等官并南京工部堂上官委的當人員管押南京兵部差撥馬快船



隻裝運沿途軍衛有司及經過洪閘但遇前  
項運到木植俱要添撥軍夫押送星夜催趲  
前來不許遲悞爾等到彼須相度事勢要數  
內仍有可于在京收買較之彼處工價反輕  
有益於民無損於官者聽爾等從宜處置具  
奏爾須持廉秉公禁約下人凡經過之處不  
許纖毫科擾致使嗟怨其各處木植查選明  
白措置亭當差去郎中先行回京仍令各該  
官司候事完之日備將起運過木植并價銀  
數目造冊奏繳以憑查考爾其如勅



遣太監迎取皇親家屬旨

成化十六年

二月初一日

司禮監太監懷恩等於

文華殿欽奉

聖旨說與河南太監藍忠及巡撫并三司等官知道  
今差御馬監太監汪直前來搬取皇親家屬  
親眷人等赴京爾等卽照例應付廩給糧草  
馬匹船隻車輛交與太監汪直管送來京仍  
令沿途經過軍衛有司驛遞等衙門添撥人  
夫扛擡護送勿令失所



隻裝運沿途軍衛有司及經過洪閘但遇前  
項運到木植俱要添撥軍夫押送星夜催趲  
前來不許遲悞爾等到彼須相度事勢要數  
內仍有可于在京收買較之彼處工價反輕  
有益於民無損於官者聽爾等從宜處置具  
奏爾須持廉秉公禁約下人凡經過之處不  
許纖毫科擾致使嗟怨其各處木植查選明  
白措置亭當差去郎中先行回京仍令各該  
官司候事完之日備將起運過木植并價銀  
數目造冊奏繳以憑查考爾其如勅



遣太監迎取皇親家屬旨

成化十六年

二月初一日

司禮監太監懷恩等於

文華殿欽奉

聖旨說與河南太監藍忠及巡撫并三司等官知道  
今差御馬監太監汪直前來搬取皇親家屬  
親眷人等赴京爾等卽照例應付廩給糧草  
馬匹船隻車輛交與太監汪直管送來京仍  
令沿途經過軍衛有司驛遞等衙門添撥人  
夫扛擡護送勿令失所



恤刑勅

成化十七年四月十三日

朕惟刑獄重大事也一或失當必召災沴古先帝王未嘗不致謹於斯朕爲民主仰體

上天好生之德每於刑獄加寬恤焉茲者天氣不和雨澤少降慮恐天下愚民罹於法者多有冤抑不無致傷

天地之和今特命爾體仁行順審錄見監問罪囚其  
在三司者爾等卽會同監察御史三司掌印  
官從公審錄在外府州縣衛所者御史同布  
按二司分巡分守官親詣各處逐一審錄其



死罪果情眞罪當應決者照例監候聽決其  
有情可矜罪可疑事無証佐可結正者一一  
具奏處置徒流以下便減等發落毋令遲滯  
審問之除尤須詳察言詞旁詢知證而斷之  
以理毋惑於浮言毋拘於成案毋偏信原問  
及原保結官吏飾非沮撓務得實情以全民  
命其故失人等罪俱免追究敢有偏執違拗  
者聽爾行并巡按等官各照所審指實叅奏  
爾等受茲委任務要持廉秉公明以決之恕  
以行之俾無冤抑斯稱朕好生之意而



天心可格災沴可弭矣如或詢察不明處決失當有  
負任使則爾等之罪可逭乎哉欽之故諭

致晉王書

成化十八年四月十七日

皇帝致書

叔晉王該爾府永和王儀賓劉欽奏要將自己故東  
滕縣主收貯折色鈔貫及未支祿米四百石  
並自己合得祿米二百石俱辭入官以爲軍  
國救荒之需止畱一百養贍終身等因事下  
該部議得查無事例朕惟欽此舉三失存焉  
王大府所屬郡王將軍儀賓官員人等凡有



所事例該啓之而行茲欽專擅差人奏擾其  
失一也縣主旣沒祿米自有司截日住支何  
勞欽言以掠微美其失二也又連年饑饉朝  
廷西顧之憂無時或已舉一方之徭役糧草  
悉停不徵措置鉅萬之銀物尙極勿足而欽  
纖芥之祿何濟欽意必自謂我此舉上可以  
動九重之知下可以得衆人之喜沽名釣譽  
炫耀誇張其失三也此三失之外或有非義  
隱匿于中亦有未知書至王卽拘欽到府責  
以前失薄示懲令其改過自新安分守己



讀書循理自有樂地何必爲是矯激虛語哉  
不然豈惟欽擅奏之罪尙在而王失於防範  
之罪亦不免矣顓書以達惟

王亮之

戒諭晉王勅

成化十八年九月初一日

勅

茲者鎮守太監劉忠並巡撫等官奏慶成王  
府奇澗抗拒父命打死平人姦占樂婦飾詞  
奏擾並軍校尉胡紳等同謀加功撥置爲惡  
等因事該法司據奏將胡紳等依律從重問



罪結矣特遣司禮監右少監孫端賁勅前去  
會同劉忠詣府處置王卽日召拘慶成并奇  
淵至府令其望闕跪伏數慶成以下不能教  
子之失不啓不奏之過夫爾祿享千石之多  
位處臣民之上法令不行于家何以表率乎  
衆不有玷宗室乎數奇淵以前項罪惡謂他  
事且己爾前次打死朱閔今又打死盧順彼  
雖賤役亦人命也騁無忌之怒殲二命之苦  
興一方之怨譴傷天地之和氣未必不由於  
是且爾父何人爾敢置教言如不聞發賴言



以挾制以成法論之當加不孝之典夫前死者固賤於爾而父乃尊於爾爾於上下之間無禮無義如此何止有玷宗室數訖諭訖降爲庶人眼同端忠打發奇澗行李并合帶人口遣本府內外官員管送祖墳所安置俾朝夕侍奉香火此外務須安分守已讀書習禮改過自新不許他往若再生事端王卽具實奏來通前所論悔無及矣於戲乃父乃子固可責也王乃一府之長視親族於秦越而不加之意可無責乎但薄乎云耳省之審之故



諭

寬恤詔

成化二十一年正月初七日

奉

天承運

皇帝詔曰朕紹

祖宗大位撫育萬方負荷之難罔敢自違自豫然而  
治效未著災沴迭興地道弗寧天時亢旱士  
民無所朕切憂惶嘗齋心懇禱遣廷臣祭告  
山川柰歲竟不登而河南山東畿內率多饑  
饉陝西山西尤劇至有棄恆產室家不相顧



者元元何辜罹茲危阨朕爲民主可愍然莫之愍耶累博采羣議發內帑倉儲勅所司大小多方賑濟期此之人咸歸樂土不意冬盡春初兩次星變有聲朕愈兢惕再勅廷臣備陳時政得失采納而行以下慰民望上答

天心况方春和時萬物發育祇承乾元資始之心誕敷寬恤天下之典合行事宜條示于後

一自成化二十一年正月初七日昧爽以前官吏軍民人等有犯除謀反叛逆子孫謀殺祖父母父母妻妾殺夫奴婢殺主謀故殺人壘



毒魘魅毒藥殺人強盜妖言黨惡人命失機  
不赦外其餘已未發覺已未結正罪無大小  
咸赦除之敢有以赦前事相告言者以其罪  
罪之

一文武官吏監生生員知印承差將軍力士旗  
校軍民匠作舍餘人等有爲事見發立功哨  
瞭運磚運炭運灰納米納料拘役擺站做工  
充儀從軍伴膳夫煎鹽炒鐵等項悉皆放免  
各還職役肄業軍還原伍匠仍當匠民放寧  
家文職官吏監生生員有犯貪淫暴酷武職



有犯敗倫傷化及爲事脫逃例該革職爲民  
及帶俸差操者悉照原擬發落其有犯強盜  
處決者不分在京在外子孫不許承襲俱調  
邊衛充軍庶人知警戒

一各處司府州縣衛所地方遞年各有災傷輕  
重不等成化十七年以前拖欠稅糧馬草農  
桑屯種糧草採打荻青草束戶口鈔貫鹽課  
茶課魚課商稅課程折糧顏料買辦廚料等  
項一切取辦於軍民未完者悉皆宥免果有  
已徵在官者照舊送納其陝西山西河南鳳



翔延安慶陽平涼臨洮鞏昌平陽河南淮慶  
開封南陽等府及澤州并直隸大名府係災  
重去處各衙門該徵成化二十年以前糧米  
未徵並災傷去處勘實量徵者盡行蠲免已  
徵者見數就畱本處賑濟

一浙江福建雲南四川煎辦銀課成化二十年  
以前未完者每年俱減三分

一各處一應額辦坐派物料除軍需外其拖欠  
皮翎觔鰓硃漆油麻銅絲鐵線梔子槐花烏  
梅藍靛翠毛野味箬葉圓藤芭苗茗箒黃穰



稷草荆條竹楷麥穗稻皮松香沙葉苧麻茜  
草杉松榆槐檀椶等木猫筊長節水苦等竹  
軟篾板枋白硝雜板驢皮前截羊毛羊角水  
牛底皮黃真牛皮水和炭煤炸柴炭瀛沙土  
硝磁末毛纓白猪鬃雲母石瓶罈高頭等紙  
缸砵等土油椿磨板黑鉛銅鐵金箔青綠顏  
料等項自成化十九年十二月以前未徵者  
悉皆蠲免已徵者仍令起解該部另各項收  
貯准作下年之數不許內外衙門朦朧再奏  
追徵敢有已徵捏作未徵者治以重罪



一在京各營在外各邊衛騎操馬疋並南北直隸河南山東被災去處軍民孳養馬疋自成化二十年十二月以前一應倒死虧欠等項並有例停候買補者所司查勘明白災傷重處悉皆蠲免輕處自成化十六年十二月以前之數悉免追賠其餘停候二十一年夏秋成熟陸續徵解如或該管上司及各府州縣管馬官吏交通作弊事發問罪黜職

一陝西山西河南三處該派成化二十二年

大祀牛羊以十分爲率俱免七分派納三分陝西山



西該應大尾羊綿羯羊除成化二十二年上半年分停徵外其下半年及河南二十一年分猪羊鷄鵝以十分爲率停免七分追徵三分該免七分之數禮部俱移附近產有地方派納該徵者仍各於本布政司災輕近處派納

一陝西山西河南災傷軍民有全家逃往隣境南山漢中徽州商洛並湖廣荆襄四川利順等處趨食求活者情實可憫各該巡撫巡按三司府州縣衛所官不許趕逐務要善加撫



恤設法賑濟安插得所候麥熟官爲應付口糧復業免其差糧三年本處官司不許科擾及追逼私債

一陝西山西河南極災地方俱有盜賊生發或至拒捕傷人詔書到日除首惡外其餘限三箇月以裏許自首免罪軍還原伍民歸耕種所在官司仍量爲賑濟如限外執迷不服招撫者聽各鎮守巡撫等官擒捕

一山西成化二十一年分該徵柴炭價銀全免一年山東北直隸量免半年內外衙門年例



應供柴炭以十分爲率暫免三分其成化十九年十二月以前被人驅拐銀兩負累死亡逃竄及監追未完者該部改派另項收貯以備別用今後柴炭止依正價派辦分外不許多科違者許巡撫巡按官員奏來俱坐贓論一惜薪司各處擡柴人夫易州廠採運軍夫人等自成化二十年十二月以前拖欠在逃病故缺工及違限罰納柴炭者悉與寬宥其各色失班人匠俱免罰工止當正班以蘇民困一在京在外上操做工爲事等項及近在逃官



軍自詔書到日爲始限三箇月以裏在京赴  
兵部在外赴所在官司首告與免本罪復還  
職役及該班來遲亦免究問今後一切不急  
工程悉皆停止以甦民困

一天下衛所歲造軍器弓箭弦條自成化十九  
年十二月以前拖欠未完者悉免補造其收  
過有司物料准作以後年分該辦之數敢有  
因而侵欺者治以重罪

一杭嘉蘇湖松等府自成化二十年十二月終  
以前除歲造紵絲紗羅紬絹綾等項外其內



外衙門奏准差人前去坐守織造者詔書到日暫停三年已織完者照數起解已徵料者交與所在官司准作歲造之數差去內官人等即便回京違者罪之

一神木廠苦蓋木植人夫逐年分派順天府所屬州縣出辦工價深爲民患并慶豐等閘夫今後以十分爲率俱畱五分看守其餘放免一南京工部成造馬槽馬椿等項俱係粗重之物沿途軍民運送不勝勞擾詔書到日悉與停止以後缺用在京衙門照數成造不許違



誤

一茶鹽之利國有所資近年以來招商不肯上中皆因勢要之家攬支攬買及夾帶私販侵奪其利今後開中茶鹽不許勢要及內外見任官員之家上中及夾帶販賣侵奪民利違者治以重罪茶鹽入官

一各邊軍儲各處賑濟山西河南王府一切祿米有因今此寬恤目前支用不敷將來無所收給者戶部會計處置來聞事有難處卽會多官計議務要各陳所見將可責近効期於



必行事由開坐定奪毋或推避虛應故事

一軍衛有司預備倉糧有例見行官吏人等奉行不至多無成效今後軍衛每一百戶所有司每一里務要措置或勸借等項各以二千石爲額驗時豐凶歛散年終常要將額數收除實在數目開奏有能多積至一半或兩倍者量加旌擢巡按分巡分守官員時常往來督理

一在京在外官吏軍民人等自成化十九年以前有爲事追賠還官給主一應贓物監候年



久不得完足者悉皆停免釋放其各處官攢人等有因查盤糧草腐朽浥爛虧折數多問罪監追者果無侵盜情弊亦皆免追

一妖言人犯例該全家發烟瘴地面充軍但中有族屬疎遠各籍另居事無相干者一槩發遣情有可矜所司查審果係各籍另居者悉皆放回今後有犯重罪合全家充軍者除謀反大逆不限籍之同異外其餘異籍另居者并與分豁

一在京各衛帶俸軍職數多有情愿告選外衛



者指揮僉事以下許赴兵部具告銓除缺官  
衛所聽巡撫巡按等官量材委用

一各處清理起解軍犯違限一年之上軍發邊  
衛解人發府近衛分充軍者軍人仍還原衛  
解人寧家陝西山西河南地方饑荒該解查  
補軍伍暫且停止待年豐查解補伍

一在京官員軍民人等之家衣服飲食奢侈僭  
用不無濫費財物禮部便查例禁約

一各處鎮守內外等官貢獻方物悉照天順三  
年以前例行不許因而科害軍民及沿途往



來騷擾致人嗟怨

一勦戚勢要之家不許霸佔關廂渡口橋梁水  
陂及開設舖店販賣鈔貫抽要柴草勒捐擺  
渡牙保水利等錢侵害小民違者許巡城御  
史并該管地方官員捉拿叅奏

一內外法司問擬囚犯有經五年之上者累次  
執訴冤枉累勘不服情有可疑者所司審實  
合辯問者從公辯理如或干連人逃躲事難  
決斷與人命無屍可檢強盜贓物不明及年  
久無贓人死無証者原問衙門備開矜疑緣



由具奏定奪其都司衛所問擬囚犯宜從巡按御史并按察司分巡官審實具奏不許坐視不理違者罪之

一法司問完囚犯枷號者悉免枷號俱照例釋放中間有依旨發遣充軍者仍具奏定奪

一河南山東北直隸被災處所凡民間詞訟戶婚田土債負等項不分遠年近年之事應提人對理者今當饑饉及農種時月官司與明立文案將原告知証候秋成之日提對發落不許一槩勾擾監禁妨民生理



二在內外文武官總小旗有因事住祿米俸糧  
悉令仍舊關支

一朝廷政事得失軍民利病許諸人直言無隱  
於戲君以愛民爲德懷保惠鮮之政當施臣以  
輔治爲忠綏定安集之務宜勉必上下極交  
修之誠庶

穹蒼有昭假之効詔告中外咸使聞知

尊號詔

成化二十三年四月十九日

奉

天承運



皇帝詔曰朕惟自古帝王之孝親匪惟養以天下而必尊以鴻名蓋所以表功象德顯於今而垂於後也情文咸具敢忘祇敬恭惟

聖母皇太后夙贊

先皇茂隆內治誕毓眇質繼紹丕圖迄今二紀宗社奠安海宇寧謐寔皆

聖母深恩洪慈訓迪之所致也矧以皇太子勤劬長育用底有成室家攸宜國本深固凡茲勲德超軼前古而尊崇之禮尙未加隆朕心歉然乃稽彝典率籲臣工以今月十七日謹奉罔



寶上尊號曰

聖慈仁壽皇太后仰酬罔極之恩遠追帝王之孝禮  
既成於家國澤斯溥於寰區所有合行事宜  
條示于後

一宗室爲庶人者各賜米十石絹十疋其子女  
各賜米五石布五疋年及婚配者所司具名  
以聞照例選婚量助嫁娶之資俱令有司辦  
給

一軍民之間年有八十以上者不分男婦有司  
給與絹一疋綿一斤米一石肉十斤九十以



上者倍之其八十以上爲鄉里所敬服者有司勘實加以冠帶以榮終身

一軍民之間有年七十以上者許令一丁侍養免其雜泛差役無丁者有司時加存恤母令失所

一內外官員有父母在家應分祿助養者准令分祿於原籍關支

一兩京文武官員未關誥勅者七品以上至四品若父母見在先與誥勅封之三品以上俱與應得誥命不爲常例



一在外軍官老疾有不能任事告替職者准令男兒赴京替職免其自來

一在京文職以禮致仕五品以上年及七十者進散官一階其中廉貧不能自存衆所共知者有司仍每歲給與食米四石以資贍養不許徇情一槩濫給

一各王府官員年老愿致仕者進散官一階其歷俸三年以上父母見在該授封者給與誥勅封之不爲常例

一將軍年及五十歲侍衛二十年以上者不拘



在役退閑俱與冠帶以榮終身

一兩京文職有離家六年之久欲照例給假省親查無違礙許其歸省

一吏部給由等項聽選官取選未到愿告致仕者俱陞職一級致仕監生不愿出仕者已有授職事例今後還填註衙門給與散官吏員冠帶聽選愿告回家不仕者照資格填授衙門職名閑住在原籍者俱令各該司府衙門告勘給授仍類冊繳部以憑查考

一監生家貧親老愿就教職者已有事例其遇



例入監愿就教職者亦許一體考授其在學廩增生員有因親老無人侍養愿告侍親者聽親終方許復學累科不第年六十以上愿告罷閑者聽仍免本身雜泛差役

一兩京陰陽醫生有年六十以上不能供役愿告回家者審實放回其軍匠廚役人等有老疾者亦許告替俱免其雜泛差役

一在京在外有孤老殘疾不能生業者即便收入養濟院照例給與衣糧已收者仍賜米二斗



一各處僧道有父母見存無人侍養者不問有無度牒許令還俗養親

一孝子順孫義夫節婦有司具實跡奏聞以憑旌表其已旌表年及六十者冠帶榮身節婦八十者照八十以上例給與絹綿米肉

一詔書內優老恩典有司務從實遵行不許虛應故事

於戲據古尊稱式廣親親之教揆今卹下誕敷老老之仁詔告中外咸使聞知

寬恤詔

成化二十三年五月十七日



皇帝勅諭文武羣臣

朕以涼德嗣守鴻圖夙夜警惕共期治理柰上天示戒亢旱踰時田苗枯槁民庶驚惶朕甚憫焉己嘗寬恤刑獄徧禱

神祇而雨澤未降豈冤抑未伸財用未節困乏未蘇而致歟爾百官奉公守法之心懈而罔上厲下之私勝歟該朕省躬自飭撙節用度數放宮人及條示合行事宜條令內外衙門從實舉行爾等其各體朕心痛自修省盡心職業務致實効以回天心蘇民困以紓朕憂憫之



意其欽承之故諭

一該部查文武官員罰俸緣由具實處置  
一在京文武官爲事問發充軍爲民緣由開具  
來說

一兩京大小法司見監輕重囚犯情罪有可矜  
疑從實具開來說

一各處內外鎮守官貢獻除常例外其餘不急  
之務暫且停止

一在京官員軍民之家一應齋醮及冠婚喪祭  
服飾悉從禁約不許奢侈僭用違者治罪



一各處輪班京操官軍有因災傷來遲的都免問罪送營補操

一淨身人見發各處充軍該衛起送赴部發南海子種菜

一各營官軍倒死騎操馬匹并民間買補四戶馬該衙門都查數來看

遇變修省勅

成化二十三年七月二十

三日

朕承天序以守

祖宗大業夙夜圖惟求以克享



天心然望道未見治効未著今年地載失寧乃六月十五日雷震于南京午門

天之示戒可謂至矣詩云敬

天之怒易云洊雷震以恐懼脩省朕是用齋心滌慮內求己過蓋中和未足以格鬼神誠敬未足以孚幽顯脩齊治平之功未足以安中國服遠人敢忘勉勵以彌災異咨爾在廷文武羣臣與朕共天職其間有謀謨是資勲戚是聯司銓衡以清庶位均賦役以理萬方典禮以事



神天治兵以靖華夷明刑罰守章程掌風紀任言責  
與夫握將帥軍旅之權分鉅細官職之寄者  
固或能舉厥職矣然豈無竊位苟祿充塞賢  
路以玷朕之任使者乎又豈無懷私徇利欲  
成溪壑未達朕之聰聞者乎怠而能勉過而  
能改知止足而能退朕所與也以副朕志以

回

天意以底于雍熙是爲君臣交脩之道欽哉故諭

遺詔

成化二十三年八月二十二日

奉



天承運

皇帝詔曰朕以菲薄紹承

祖宗丕業二十有三年矣宵旰憂勤圖臻至治惟恐

有孤

先帝付託今忽遘疾彌篤殆弗能興夫死生常理古

今人所不免所幸繼承得人

宗社生民有賴吾雖棄世亦復奚憾焉皇太子祐樞

聰明仁孝德器夙成宜卽皇帝位中外交文武

羣臣其協心輔理凡內外事一依

祖宗舊制而行用副予志喪禮遵



皇考遺制以日易月二十七日釋服無禁音樂嫁娶  
宗室親王藩屏維繫母輒離封域各處鎮守總兵  
巡撫等官及都布按三司各固守疆境撫安  
民軍不許擅離職守聞喪之日止於本處哭  
臨三日進香遣官代行廣東廣西四川雲南  
貴州所屬州縣并土官及布政司南直隸七  
品以下衙門俱免進香詔諭中外咸使聞知



皇明詔令卷之十六







